

D.R. 35/92

Naskhah Sahih—Bahasa Malaysia

RANG UNDANG-UNDANG
BEKALAN GAS 1992

SUSUNAN FASAL

BAHAGIAN I

PERMULAAN

Fasal

1. Tajuk ringkas, mula berkuatkuasa dan pemakaian.
2. Tafsiran.

BAHAGIAN II

PERJAWATAN

3. Ketua Pengarah Bekalan Gas.

BAHAGIAN III

FUNGSI DAN TUGAS KETUA PENGARAH

4. Fungsi dan tugas.

BAHAGIAN IV

KUASA UNTUK MASUK, MENYIASAT DAN MENDAKWA

5. Kuasa untuk masuk dengan waran atau selainya, memeriksa, meneliti, menyita, dsb.
6. Kuasa untuk menyiasat.
7. Kuasa untuk menghendaki kehadiran orang yang mengetahui kes.
8. Soal-periksa orang yang mengetahui kes.
9. Pendakwaan.
10. Hadiah untuk maklumat.

BAHAGIAN IX

AM

Fasal

35. Orang kompeten.
36. Kemalangan serius hendaklah dilaporkan.
37. Perlindungan Ketua Pengarah dan pegawai-pegawai diberikuasa.
38. Kuasa-kuasa khas semasa darurat.

BAHAGIAN X

KUASA UNTUK MEMBUAT PERATURAN

39. Kuasa untuk membuat peraturan.

BAHAGIAN XI

PELBAGAI

40. Seksyen tertentu Akta tidak terpakai bagi kilang.
41. Peruntukan yang bertentangan.
42. Pengecualian.
43. Peruntukan peralihan dan kecualian.

JADUAL-JADUAL.

RANG UNDANG-UNDANG

BAHAGIAN V

LESEN

Fasal

11. Lesen dikehendaki bagi pembekalan gas: terma, syarat dan kandungan lesen.
12. Cag'aran, penggantungan atau pembatalan lesen.

BAHAGIAN VI

PERUNTUKAN BERHUBUNGAN DENGAN PEMEGANG LESEN.
PEMBEKALAN GAS. KEMASUKAN KE TANAH, DLL.

13. Kuasa untuk menetapkan tarif.
14. Kewajipan untuk membekalkan gas apabila diminta.
15. Kekecualian kepada kewajipan supaya membekalkan gas.
16. Kuasa untuk mendapatkan kembali perbelanjaan.
17. Kuasa pemegang lesen untuk menghendaki cagaran.
18. Perjanjian khas berkenaan dengan bekalan.
19. Caj bagi bekalan gas hendaklah ditentukan melalui meter yang sesuai.
20. Pengurangan atau penghentian bekalan: liabiliti.
21. Pemberhentian bekalan gas.
22. Liabiliti tidak terjejas.
23. Kuasa untuk memasuki dan meneliti tanah.
24. Kuasa untuk memasuki tanah bagi maksud pembinaan.
25. Penyenggaraan, pembaikan dan peningkatan talian paip atau pemasangan.
26. Pengalihan atau perubahan talian paip atau pemasangan.
27. Perjanjian izin-lalu.
28. Pampasan.

BAHAGIAN VII

SIASATAN

29. Prosedur semasa siasatan.

BAHAGIAN VIII

KESALAHAN DAN PENALTI

30. Kesalahan.
31. Penalti am.
32. Kesalahan yang dilakukan oleh pertubuhan perbadanan: pegawai disifatkan bersalah.
33. Beban pembuktian.
34. Pengkompaunan.

RANG UNDANG-UNDANG

b e r n a m a

Suatu Akta untuk mengadakan peruntukan bagi perlantikan dan fungsi-fungsi Ketua Pengarah Bekalan Gas, pelesenan pembekalan gas kepada pengguna melalui talian paip dan perkara-perkara yang berkaitan, pembekalan gas pada harga yang munasabah, kawalan talian paip, pemasangan dan perkakas bekalan gas berkenaan dengan perkara-perkara yang berhubungan dengan keselamatan orang-orang dan bagi maksud-maksud yang berkaitan dengannya.

[]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

BAHAGIAN I

PERMULAAN

1. (1) Akta ini bolehlah dinamakan Akta Bekalan Gas 1992 dan hendaklah mula berkuatkuasa pada tarikh yang ditetapkan oleh Menteri melalui pemberitahuan dalam *Warta*.

Tajuk ringkas,
mula berkuat-
kuasa dan
pemakaian.

(2) Akta ini hendaklah terpakai di seluruh Malaysia; bagaimanapun Menteri boleh melalui perintah menggantung kuatkuasa keseluruhan atau mana-mana peruntukan Akta ini di mana-mana Negeri.

(3) Akta ini hendaklah terpakai bagi pembekalan gas kepada pengguna melalui talian paip—

- (a) ke hilir dari bebibir penghujung slesen pintu kota; atau
- (b) dari tangki atau silinder penstoran yang digunakan khusus bagi penyeliratan gas ke mana-mana radas di mana-mana premis.

(4) Dalam subseksyen (3)—

"stesen pintu kota" ertinya suatu stesen yang mempunyai kemudahan pengukuran dan pengaturan tekanan gas di mana gas diterima terus dari talian paip penghantaran gas dan kemudiannya dihantar melalui sistem pengagihan talian paip gas bagi pembekalan gas kepada pengguna;

"talian paip penghantaran" ertinya talian paip yang mengangkut gas dari alur keluar loji pemprosesan atau pangkalan penerima gas ke alur masuk stesen pintu kota.

Tafsiran.

2. Dalam Akta ini, melainkan jika konteksnya menghendaki makna yang lain—

"bahaya" ertinya bahaya kepada kesihatan atau kepada nyawa atau anggota badan manusia kerana renjatan, luka terbakar, atau kecederaan lain dan termasuklah bahaya kepada harta, talian paip atau pemasangan akibat daripada penghantaran, pengagihan atau pemergunaan gas;

"dengan curang" mempunyai erti yang diberikan kepadanya dalam Kanun Keseksaan;

"gas" ertinya metana, etana, propana, butana atau hidrokarbon yang mungkin mengandungi satu atau lebih gas yang disebut terdahulu sama ada dalam bentuk gas atau cecair;

"kawasan bekalan" ertinya kawasan yang di dalamnya pemegang lesen dibenarkan membekalkan gas;

"keselamatan" ertinya penghindaran bahaya kepada orang awam atau kepada harta;

"lesen" ertinya lesen yang dikeluarkan di bawah seksyen 11;

*N.M.B.
Bab 45*

"Menteri" ertinya Menteri yang pada masa ini dipertanggungjawabkan dengan tanggungjawab bagi perkara-perkara yang berhubungan dengan petroleum;

"orang kompeten" ertinya orang yang memegang suatu perakuan kekompetenan yang dikeluarkan oleh Ketua Pengarah atau apa-apa perakuan setara lain yang dikeluarkan oleh mana-mana badan kerajaan untuk melaksanakan kerja mengikut sekatan-sekatan, jika ada, yang dinyatakan dalam perakuan itu;

"pegawai diberikuasa" ertinya mana-mana Timbalan Ketua Pengarah, Pengarah, Timbalan Pengarah atau Penolong Pengarah atau mana-mana pegawai awam lain dalam mana-mana agensi kerajaan lain yang dipertanggungjawabkan dengan tanggungjawab bagi keselamatan dalam perkara-perkara petroleum dan yang diberikuasa secara bertulis oleh Ketua Pengarah bagi maksud-maksud Akta ini sama ada secara am atau berhubungan dengan mana-mana peruntukan tertentu Akta ini;

"pembekalan gas" ertinya penghantaran, pengangkutan, pengagihan atau penyeliratan gas melalui talian paip;

"pemegang lesen" ertinya orang yang dilesenkan di bawah seksyen 11;

"Pendaftar" ertinya Pendaftar sebagaimana yang ditakrifkan dalam Kanun Tanah Negara, Ordinan Tanah Sabah atau Kanun Tanah Sarawak, mengikut mana-mana yang berkenaan;

*Akta 56/65.
Sabah Bab 68.
Sarawak
Bab 81.*

"Pengarah" ertinya pegawai yang dilantik di bawah seksyen 3 dan termasuklah Ketua Pengarah;

"pengguna" ertinya orang yang dibekali dengan gas atau yang premisnya pada masa ini tersambung bagi maksud pembekalan gas oleh pemegang lesen;

"Pentadbir Tanah Daerah" mempunyai erti yang diberikan kepada "Pentadbir Tanah" oleh seksyen 5 Kanun Tanah Negara, kepada "Pemungut" oleh seksyen 4 Ordinan Tanah Sabah dan kepada "Pengarah" oleh seksyen 2 Kanun Tanah Sarawak;

"pemasangan" ertinya semua bahagian kemudahan-kemudahan fizikal yang terlibat dalam penghantaran, pengangkutan, pengagihan atau pemergunaan gas melalui talian paip termasuk apa-apa mesin, kelengkapan, radas, pam, injap, unit pemampat, meter, pengatur, apa-apa perlengkapan yang dipasang pada talian paip dan apa-apa pemasangan lain;

"talian paip" ertinya semua bahagian kemudahan-kemudahan fizikal yang melaluinya gas bergerak semasa diangkut;

"tanah Kerajaan" tidak termasuk tanah rizab dan tanah bermilik;

"tanah rizab" ertinya tanah yang dirizabkan bagi suatu maksud awam, rizab keretapi dan hutan simpan.

BAHAGIAN II

PERJAWATAN

Ketua
Pengarah
Bekalan Gas

3. (1) Menteri hendaklah melantik seorang pegawai awam untuk menjadi Ketua Pengarah Bekalan Gas bagi maksud melaksanakan fungsi-fungsi dan tugas-tugas yang diberikan kepadanya di bawah Akta ini.

(2) Menteri hendaklah juga melantik apa-apa bilangan Timbala Ketua Pengarah, Pengarah, Timbala Pengarah, Penolong Pengarah dan mana-mana pegawai lain yang perlu bagi maksud-maksud Akta ini.

(3) Semua pegawai yang dilantik di bawah subseksyen (2) adalah tertakluk kepada kawalan, arahan dan pengawasan Ketua Pengarah.

(4) Semua pegawai yang dilantik di bawah Akta ini hendaklah disifatkan sebagai pengkhidmat awam mengikut pengertian Kanun Keseksaan.

BAHAGIAN III

FUNGSI DAN TUGAS KETUA PENGARAH

Fungsi dan
tugas.

4. (1) Ketua Pengarah dan pegawai-pegawai lain yang dilantik di bawah subseksyen 3(2) hendaklah

menjalankan fungsi-fungsi dan tugas-tugas seperti yang berikut:

- (a) memastikan bahawa pemegang lesen yang diberikuasa di bawah Akta ini untuk membekalkan gas melalui talian paip memenuhi segala permintaan yang munasabah bagi gas;
- (b) tanpa menjejaskan keluasan perenggan (a), memastikan bahawa pemegang lesen itu dapat membiayai pemberian perkhidmatan pembekalan gas;
- (c) melindungi kepentingan pengguna-pengguna gas yang dibekalkan melalui talian paip berkenaan dengan—
 - (i) harga yang dikenakan dan terma-terma lain bagi pembekalan;
 - (ii) keberterusan bekalan; dan
 - (iii) kualiti perkhidmatan pembekalan gas yang diberikan;
- (d) mengawalselia komposisi, tekanan, ketulenan dan isipadu gas yang dibekalkan melalui talian paip;
- (e) meningkatkan kecekapan dan ekonomi pemegang lesen untuk membekalkan gas melalui talian paip dan pemakaian efisien gas yang dibekalkan melalui talian paip;
- (f) melindungi orang awam daripada bahaya yang berbangkit daripada pengagihan gas melalui talian paip atau daripada pemakaian gas yang dibekalkan melalui talian paip;
- (g) membolehkan orang-orang bersaing secara berkesan dalam pembekalan gas melalui talian paip;
- (h) menyiasat apa-apa kemalangan atau kebakaran yang melibatkan mana-mana talian paip atau pemasangan gas; dan
- (i) menjalankan segala aktiviti lain sebagaimana yang didapati oleh Ketua Pengarah adalah

diperlukan, berfaedah atau sesuai bagi maksud menguatkuasakan peruntukan-peruntukan Akta ini.

(2) Fungsi-fungsi dan tugas-tugas Ketua Pengarah boleh pada bila-bila masa dijalankan oleh mana-mana pegawai diberikuasa yang dilantik dengan sewajarnya secara bertulis oleh Ketua Pengarah bagi maksud-maksud Akta ini atau mana-mana peraturan yang dibuat di bawahnya.

(3) Mana-mana pegawai diberikuasa yang dilantik di bawah subseksyen (2) hendaklah tertakluk kepada kawalan, arahan dan pengawasan Ketua Pengarah.

BAHAGIAN IV

KUASA UNTUK MASUK, MENYIASAT DAN MENDAKWA

Kuasa untuk masuk dengan waran atau seiaianya, memeriksa, meneliti, menyita, dsb

5. (1) Seseorang pegawai diberikuasa boleh, bagi maksud menunaikan mana-mana tugasnya atau menjalankan mana-mana fungsinya di bawah Akta ini atau mana-mana peraturan yang dibuat di bawahnya, masuk pada bila-bila masa yang munasabah ke mana-mana tanah, rumah atau bangunan untuk memeriksa dan meneliti mana-mana talian paip atau pemasangan atau bahagiannya, atau apa-apa sebab yang sepatutnya yang lain.

(2) Dalam menjalankan kuasa-kuasanya di bawah subseksyen (1) seseorang pegawai diberikuasa boleh—

- . (a) mengambil sampel apa-apa gas dari premis yang dimasuki dan menghendaki penghuninya atau ejen atau pengkhidmat penghuni itu yang ada di premis itu supaya menunjukkan kepadanya tiap-tiap tempat dan mana-mana talian paip, pemasangan, tangki atau silinder penstoran di premisnya;
- (b) menguji atau menyebabkan diuji, di mana-mana tempat yang sesuai dan pada bila-bila masa yang munasabah yang ditetapkannya, apa-apa sampel yang diperolehinya sedemikian.

(3) Jika dalam pemeriksaan atau penelitian itu pegawai diberikuasa itu mendapati apa-apa kecacatan yang dia ada sebab yang munasabah untuk percaya mungkin mendatangkan bahaya, dia boleh—

- (a) dengan notis bertulis, menghendaki diperbetulkan kecacatan itu;
- (b) menyebabkan bekalan gas itu dihentikan; atau
- (c) mengalihkan atau mengelak mana-mana talian paip, pemasangan atau bahagiannya.

(4) Dalam tiap-tiap hal apabila maklumat diberikan dengan bersumpah kepada mana-mana Majistret bahawa ada sebab yang munasabah untuk mengesyaki bahawa di dalam mana-mana tanah, rumah atau bangunan terdapat apa-apa artikel, benda, buku, dokumen, talian paip, pemasangan atau bahagiannya yang telah digunakan atau yang dicadangkan hendak digunakan untuk melakukan apa-apa kesalahan di bawah Akta ini atau mana-mana peraturan yang dibuat di bawahnya, dia hendaklah mengeluarkan suatu waran di bawah tandatangannya yang menurut kuasanya mana-mana pegawai diberikuasa yang dinamakan atau disebut dalam waran itu boleh memasuki tanah, rumah atau bangunan itu pada bila-bila masa yang munasabah pada waktu siang atau malam, dan mencari dan menyita atau mengelak mana-mana artikel, benda, buku, dokumen, talian paip, pemasangan atau bahagiannya itu:

Dengan syarat bahawa jika pegawai diberikuasa itu berpuas hati berdasarkan maklumat yang diterima bahawa dia mempunyai alasan yang munasabah bagi mempercayai bahawa oleh sebab kelengahan dalam mendapatkan waran geledah apa-apa artikel, benda, buku, dokumen, talian paip, pemasangan atau bahagiannya yang digunakan untuk melakukan atau yang dicadangkan hendak digunakan untuk melakukan suatu kesalahan di bawah Akta ini atau mana-mana peraturan yang dibuat di bawahnya mungkin akan dialihkan atau dimusnahkan, dia boleh memasuki tanah, rumah atau bangunan itu tanpa waran dan menyita atau mengelak

mana-mana artikel, benda, buku, dokumen, talian paip, pemasangan atau bahagiannya itu dari tanah, rumah atau bangunan itu:

Dengan syarat selanjutnya bahawa adalah menjadi kesalahan jika mana-mana orang, tanpa kebenaran yang sah, memecahkan, mengganggu atau merosakkan lak itu atau mengalihkan mana-mana artikel, benda, buku, dokumen, talian paip, pemasangan atau bahagiannya itu atau cuba berbuat demikian,

(5) Mana-mana pegawai diberikuasa boleh, dalam menjalankan kuasa-kuasanya di bawah subseksyen (4), jika perlu untuk berbuat demikian—

- (a) memecahkan mana-mana pintu luar atau dalam rumah kediaman atau mana-mana premis lain dan memasukinya;
- (b) dengan menggunakan kekerasan memasuki tempat itu dan tiap-tiap bahagiannya;
- (c) dengan menggunakan kekerasan mengalihkan apa-apa halangan kepada kemasukan, penggeledahan, penyitaan dan pengalihan yang dia diberi kuasa untuk melaksanakannya; dan
- (d) menahan tiap-tiap orang yang dijumpai di tempat itu sehingga tempat itu telah digeledah.

(6) Pegawai diberikuasa yang menyita apa-apa artikel, benda, buku, dokumen, talian paip, pemasangan atau bahagiannya di bawah subseksyen (4) hendaklah menyediakan suatu senarai benda yang disita dan dengan serta-merta, atau dengan-seberapa segera yang praktik, menyerahkan satu salinan yang ditandatangani olehnya kepada penghuni, atau ejen atau pengkhidmat penghuni itu yang berada di premis itu, dan jika premis itu tidak dihuni, pegawai diberikuasa itu hendaklah, di mana-mana mungkin, menampalkan suatu senarai benda yang disita itu di premis itu.

(7) Seseorang pegawai diberikuasa hendaklah pada setiap masa membawa suatu kad pengenalan atau lencana rasmi dalam apa-apa bentuk yang ditetapkan, dan tiada seorang pun boleh diwajibkan supaya membenarkan

masuk mana-mana orang yang berupa sebagai seorang pegawai diberikuasa ke tanah, rumah atau bangunannya kecuali apabila kad pengenalan atau lencana itu dikemukakan.

6. (1) Seseorang pegawai diberikuasa hendaklah mempunyai kuasa untuk menyiasat pelakuan apa-apa kesalahan di bawah Akta ini atau mana-mana peraturan yang dibuat di bawahnya. Kuasa untuk menyiasat.

(2) Mana-mana pegawai diberikuasa boleh, berhubung dengan mana-mana penyiasatan berkenaan dengan apa-apa kesalahan yang dilakukan di bawah Akta ini atau mana-mana peraturan yang dibuat di bawahnya, menjalankan kuasa-kuasa khas berhubung dengan penyiasatan polis kecuali bahawa kuasa untuk menangkap tanpa waran yang diberikan oleh Kanun Prosedur Jenayah bagi mana-mana kesalahan boleh tangkap tidak boleh dijalankan olehnya. *N.M.B*
Bab 6.

(3) Apabila penyiasatannya selesai, pegawai diberikuasa itu hendaklah dengan segera memberikan segala maklumat yang berhubung dengan pelakuan kesalahan itu kepada pegawai penjaga suatu balai polis dan seseorang pegawai polis boleh, dengan waran, menangkap mana-mana orang yang mungkin telah melakukan kesalahan di bawah Akta ini atau mana-mana peraturan yang dibuat di bawahnya.

7. (1) Seseorang pegawai diberikuasa yang membuat sesuatu penyiasatan di bawah seksyen 6 boleh melalui perintah secara bertulis menghendaki mana-mana orang yang tampak pada pegawai diberikuasa itu mengetahui hal keadaan kes itu supaya hadir di hadapannya, dan orang itu hendaklah hadir sebagaimana yang dikehendaki sedemikian. Kuasa untuk menghendaki kehadiran orang yang mengetahui kes.

(2) Jika mana-mana orang itu tidak hadir sebagaimana yang dikehendaki sedemikian, pegawai diberikuasa itu boleh melaporkan ketidakhadiran itu kepada seorang Majistret yang hendaklah mengeluarkan saman untuk memastikan kehadiran orang itu sebagaimana yang dikehendaki oleh perintah yang disebut terdahulu itu.

Soal-periksa
orang yang
mengelahui
kes.

8. (1) Seseorang pegawai diberikuasa yang membuat penyiasatan di bawah seksyen 6 boleh mendapatkan maklumat daripada mana-mana orang yang dijangkakan mengetahui fakta-fakta dan hal keadaan kes itu.

(2) Orang itu adalah terikat di sisi undang-undang untuk menjawab segala soalan yang berhubungan dengan kes itu yang diajukan kepadanya oleh pegawai diberikuasa itu:

Dengan syarat bahawa orang itu boleh enggan menjawab mana-mana soalan yang jawapannya akan cenderung ke arah mendedahkannya kepada suatu pertuduhan atau penalti jenayah atau perlucuthakan.

(3) Seseorang yang membuat pernyataan di bawah seksyen ini adalah terikat di sisi undang-undang untuk menyatakan yang benar, sama ada atau tidak pernyataan itu dibuat pada keseluruhannya atau sebahagiannya sebagai jawapan kepada soalan-soalan.

(4) Pegawai diberikuasa yang mendapatkan maklumat daripada seseorang hendaklah terlebih dahulu memberitahu orang itu tentang peruntukan-peruntukan subseksyen (2) dan (3).

(5) Sesuatu pernyataan yang dibuat oleh mana-mana orang di bawah seksyen ini hendaklah, bilamana mungkin, ditukar ke dalam bentuk bertulis dan ditandatangani oleh orang yang membuatnya atau dicapkan dengan cap ibu jarinya, mengikut mana-mana yang berkenaan, selepas pernyataan itu dibacakan kepadanya dalam bahasa pernyataan itu dibuatnya dan selepas dia telah diberi peluang untuk membuat apa-apa pembedahan yang dia mahu.

Pendakwaan.

9. (1) Tiada pendakwaan boleh dimulakan berkenaan dengan apa-apa kesalahan di bawah Akta ini atau mana-mana peraturan yang dibuat di bawahnya tanpa sanksi bertulis Pendakwa Raya.

(2) Pendakwaan berkenaan dengan apa-apa kesalahan di bawah Akta ini atau mana-mana peraturan yang dibuat di bawahnya boleh dijalankan oleh mana-mana pegawai yang diberikuasa secara bertulis oleh Ketua Pengarah.

10. Dalam hal sesuatu sabitan yang melibatkan denda, mahkamah yang mengenakan denda itu boleh, atas permohonan pegawai yang menjalankan pendakwaan, mengarahkan supaya dibayar kepada orang yang memberikan maklumat yang membawa kepada sabitan itu apa-apa bahagian denda itu tetapi tidak melebihi setengah daripada denda itu mengikut apa-apa perkarahan yang difikirkan patut oleh mahkamah itu.

Hadiah untuk maklumat.

BAHAGIAN V

LESEN

11. (1) Tiada seorang pun boleh membekalkan gas melalui apa-apa talian paip melainkan jika orang itu dilesenkan di bawah Akta ini.

Lesen dikehendaki bagi pembekalan gas: terma, syarat dan kandungan lesen

(2) Ketua Pengarah, dengan kelulusan Menteri, boleh memberikan lesen bagi pembekalan gas melalui talian paip atas apa-apa syarat yang didapati perlu atau suaimanfaat memandangkan tugas-tugas yang dikenakan oleh seksyen 4 dan apabila dibayar apa-apa fee yang ditetapkan oleh peraturan-peraturan yang dibuat di bawah Akta ini,

(3) Mana-mana orang yang memohon lesen hendaklah mengemukakan kepada Ketua Pengarah, di mana-mana berkenaan, butir-butir yang berikut:

- (a) kawasan pembekalan gas;
- (b) pelan lokasi tapak yang menunjukkan lokasi yang dicadangkan bagi premis yang akan dipasang dengan talian paip gas dan kawasan sekitarnya;
- (c) susun atur perpaipan yang menunjukkan butir-butir laluan talian paip termasuk lokasi apa-apa tangki atau silinder penstoran, sempadan tapak, dinding pesongan dan punca-punca pencucuhan yang terdekat;
- (d) spesifikasi teknik talian paip atau pemasangan itu;
- (e) pemerakuan bagi talian paip atau pemasangan itu; dan

(f) apa-apa maklumat lain yang diperlukan oleh Ketua Pengarah.

(4) Tiada lesen boleh dipindahmilikkan, diserahkan, disublesenkan atau selainnya dilupuskan melainkan jikakeizinan bertulis Menteri telah diberikan.

(5) Tempoh lesen bolehlah sebagaimana yang diluluskan oleh Menteri dalam setiap kes.

(6) Apa-apa lesen yang diberikan di bawah seksyen ini boleh meliputi penentuan kawasan pembekalan oleh Ketua Pengarah.

(7) Tertakluk kepada kelulusan Pihak Berkuasa Negeri, apa-apa lesen yang diberikan di bawah seksyen ini boleh membenarkan pemegang lesen meletakkan, menempatkan atau membawa di atas, di bawah atau melewati tanah Kerajaan, setakat dan mengikut cara yang dinyatakan dalam lesen itu, apa-apa talian paip dan pemasangan dan untuk menyenggara atau membina di dalam atau di atas tanah Kerajaan apa-apa kelengkapan lain yang pada pendapat Ketua Pengarah adalah perlu atau patut bagi maksud-maksud lesen itu, dan tertakluk sentiasa kepada kelulusan Pihak Berkuasa Negeri, kebenaran tersebut boleh diberikan atau ditambah pada bila-bila masa dalam tempoh sah lesen itu dengan cara pengendorsan padanya di bawah tandatangan Ketua Pengarah.

Cagaran,
penggantungan
atau
pembatalan
lesen.

12. (1) Sebelum mengeluarkan apa-apa lesen, Ketua Pengarah boleh menghendaki suatu cagaran, sama ada dalam bentuk tunai atau gerenti bank sebagaimana yang dinyatakan olehnya, yang hendaklah diberikan bagi pematuhan wajar terma-terma dan syarat-syarat lesen. Amaun cagaran yang tersebut hendaklah berdasarkan kos pembinaan, kos operasi atau kedua-duanya, mengikut, mana-mana yang berkenaan, pemegang lesen, sebagaimana yang ditentukan oleh Ketua Pengarah dan amaun itu boleh dikaji semula dari semasa ke semasa.

(2) Sesuatu lesen boleh pada bila-bila masa digantung atau dibatalkan oleh Ketua Pengarah apabila berlaku

pelanggaran mana-mana syarat lesen itu atau keingkaran membayar apa-apa wang yang terakru dan kena dibayar di bawahnya, atau jika pemegang lesen terhenti mengerjakan atau mengendalikan taliian paip atau pemasangan yang dia diberikuasa untuk melakukannya di bawah lesen yang diberikan kepadanya:

Dengan syarat bahawa, jika sesuatu lesen telah digantung atau dibatalkan di bawah subseksyen ini pemegang lesen boleh, jika dia berpendapat bahawa dia telah menanggung atau mungkin akan menanggung kesusahan tak wajar disebabkan oleh penggantungan atau pembatalan itu, merayu kepada Menteri terhadap penggantungan atau pembatalan itu, mengikut mana-mana yang berkenaan, dan keputusan Menteri mengenai rayuan itu adalah muktamad.

(3) Pemegang lesen tidaklah berhak mendapat pampasan bagi apa-apa kerugian hasil kepadanya yang disebabkan oleh penggantungan atau pembatalan lesen di bawah seksyen ini.

(4) Apabila sesuatu lesen digantung, Ketua Pengarah boleh—

- (a) menghendaki pemegang lesen membetulkan apa-apa pelanggaran mana-mana syarat lesen itu atau membayar apa-apa wang yang terakru yang kena dibayar di bawahnya di dalam sesuatu tempoh tertentu yang dinyatakan; dan/atau
- (b) demi kepentingan awam, memberikuasa seorang lain meneruskan pengendalian taliian paip atau pemasangan itu jika taliian paip atau pemasangan itu atau mana-mana bahagiannya sudah beroperasi dalam tempoh penggantungan itu.

(5) Sekiranya Ketua Pengarah berpuas hati bahawa pemegang lesen telah mematuhi kehendak di bawah perenggan (4)(a) penggantungan boleh ditarik balik dan pemegang lesen boleh dibenarkan meneruskan pembinaan atau pengendalian taliian paip atau pemasangan itu, mengikut mana-mana yang berkenaan.

Jika Ketua Pengarah tidak berpuas hati, dia boleh membatalkan lesen itu.

(6) Apabila sesuatu lesen dibatalkan, Ketua Pengarah boleh—

- (a) menghendaki pemegang lesen, dalam suatu tempoh masa yang munasabah, mengalihkan talian paip atau pemasangannya atau sebahagian daripada talian paip atau pemasangan itu dengan pemegang lesen itu menanggung kosnya;
- (b) mengambil alih talian paip dan pemasangan itu atau sebahagian daripadanya dengan bayaran pampasan yang mencukupi kepada pemegang lesen itu dan melantik seorang pemegang lesen lain untuk menyiapkan pembinaan talian paip atau pemasangan itu atau membekalkan gas melalui talian paip atau pemasangan yang diambil alih itu, mengikut mana-mana yang berkenaan; atau
- (c) memberikuasa seorang pemegang lesen lain, dengan bayaran pampasan yang mencukupi, mengambil alih talian paip dan pemasangan itu atau sebahagian daripadanya dan menyiapkan pembinaannya atau membekalkan gas melalui talian paip atau pemasangan yang diambil alih itu, mengikut mana-mana yang berkenaan.

(7) Jika sesuatu lesen dibatalkan di bawah seksyen ini cagaran hendaklah terlucuthak sebagaimana yang difikirkan patut oleh Ketua Pengarah.

(8) Dalam subseksyen (1)—

"kos pengendalian" ertinya semua kos yang dihitung oleh Ketua Pengarah sebagai kos mengendalikan pembekalan gas melalui mana-mana talian paip atau pemasangan, termasuk upah, kos bahan api, alat ganti, bayaran pekerja dan pelincir tetapi tidak termasuk kos modal atau pinjaman.

BAHAGIAN VI

PERUNTUKAN BERHUBUNGAN DENGAN
PEMEGANG LESEN, PEMBEKALAN GAS,
KEMASUKAN KE TANAH, DLL.

13. (1) Seseorang pemegang lesen boleh, berhubung dengan perkhidmatan pembekalan gas, mengenakan apa-apa tarif yang diluluskan secara bertulis oleh Menteri dari semasa ke semasa dengan mengambil kira apa-apa syarat dalam lesen itu yang berhubung dengan pembekalan gas di kawasan dan dalam hal keadaan yang berlainan.

Kuasa untuk menetapkan tarif.

(2) Sesuatu cadangan tarif di bawah subseksyen (1) boleh termasuk—

- (a) suatu caj tetap sebagai tambahan kepada caj bagi gas yang sebenarnya dibekalkan;
- (b) suatu caj berkenaan dengan adanya bekalan gas dan caj sedemikian boleh berubah mengikut takat bekalan; dan
- (c) suatu sewa atau caj lain berkenaan dengan apa-apa meter gas atau pemasangan yang diadakan oleh pemegang lesen.

(3) Sesuatu tarif yang diluluskan menurut subseksyen

(1)—

- (a) hendaklah dirangkakan sedemikian rupa oleh pemegang lesen supaya menunjukkan cara-cara bagaimana dan prinsip-prinsip yang berdasarkannya tarif akan dibuat serta juga harga-harga yang akan dikenakan; dan
- (b) hendaklah disiarkan oleh pemegang lesen mengikut apa-apa cara yang akan memastikan publisiti yang mencukupi bagi tarif itu.

(4) Dalam menetapkan tarif rnenurut subseksyen (1) dan dalam membuat perjanjian-perjanjian bagi pembekalan gas di bawah subseksyen 18(1), seseorang pemegang lesen tidak boleh menunjukkan keutamaan atau diskriminasi tak wajar di kalangan pengguna atau

orang yang dalam keadaan yang sama memandangkan tempat dan masa pembekalan, kuantiti gas yang dibekalkan dan maksud yang baginya bekalan diambil.

(5) Dalam seksyen ini—

"caj tetap" ertinya caj tetap yang diluluskan oleh Ketua Pengarah bagi pengadaan bekalan gas dan termasuk kos untuk menyenggara sistem.

Kewajipan
untuk
membekalkan
gas apabila
dimmta.

14. (1) Tertakluk kepada peruntukan-peruntukan yang berikut dalam Bahagian ini dan mana-mana peraturan yang dibuat di bawah Akta ini, seseorang pemegang lesen hendaklah apabila dikehendaki berbuat demikian oleh pemunya atau penghuni mana-mana premis yang terletak di dalam kawasan pembekalan gas—

- (a) memberikan bekalan gas ke premis itu; dan
- (b) mengadakan segala benda yang semunasabahnya perlu bagi maksud itu.

(2) Jika mana-mana orang menghendaki bekalan gas di bawah subseksyen (1), dia hendaklah memberi pemegang lesen suatu notis yang menyatakan—

- (a) premis yang berkenaan dengannya bekalan itu dikehendaki;
- (b) hari bekalan itu dikehendaki bermula;
- (c) kuantiti yang dikehendaki pada bila-bila masa;
- (d) tempoh minimum bekalan itu dikehendaki supaya diberikan; dan
- (e) tekanan yang dikehendaki bagi bekalan itu.

(3) Jika seseorang pemegang lesen menerima daripada mana-mana orang suatu notis di bawah subseksyen (2) yang menghendakinya memberikan bekalan gas ke mana-mana premis dan—

- (a) dia belum pernah sebelum ini memberikan bekalan gas ke premis itu;

- (b) pemberian bekalan itu memerlukan pengadaaan talian paip atau pemasangan lain; atau
- (c) hal-hal keadaan lain wujud yang menjadikan perlu atau suaimanfaat dia berbuat demikian,

pemegang lesen itu hendaklah, dengan seberapa segera yang praktik selepas menerima notis itu, memberi orang itu suatu notis di bawah subseksyen (4).

(4) Sesuatu notis di bawah subseksyen ini hendaklah—

- (a) menyatakan setakat manakah cadangan-cadangan yang dinyatakan dalam notis di bawah subseksyen (2) dapat disetujui-terima oleh pemegang lesen dan menyatakan apa-apa cadangan balas yang dibuat oleh pemegang lesen;
- (b) menyatakan sama ada harga-harga yang akan dikenakan oleh pemegang lesen akan ditentukan melalui suatu tarif di bawah seksyen 13 atau melalui suatu perjanjian khas di bawah subseksyen 18(1) dan menyatakan tarif itu atau terma-terma yang dicadangkan bagi perjanjian itu;
- (c) menyatakan apa-apa bayaran yang akan dikehendaki supaya dibuat oleh orang itu di bawah subseksyen 16(1); dan
- (d) menyatakan apa-apa cagaran yang akan dikehendaki supaya diberikan oleh orang itu di bawah seksyen 17.

(5) Dalam seksyen ini dan dalam seksyen 15 hingga 18 Bahagian ini—

- (a) apa-apa sebutan mengenai pemberian bekalan gas termasuklah sebutan mengenai penerusan pemberian bekalan sedemikian; dan
- (b) apa-apa sebutan mengenai menghendaki bekalan gas termasuklah sebutan mengenai terus menghendaki bekalan sedemikian.

Kekecualian kepada kewajiban supaya membekalkan gas

15. (1) Tiada apa-apa jua dalam subseksyen 14(1) boleh menghendaki seseorang pemegang lesen membekalkan gas ke mana-mana premis jika—

- (a) pembekalan itu bercanggah dengan mana-mana undang-undang;
- (b) di bawah perjanjian itu atau perjanjian khas itu, mengikut mana-mana yang berkenaan, dia dikecualikan sedemikian;
- (c) dia terhalang daripada berbuat demikian oleh kerosakan dan kegagalan mana-mana talian paip atau pemasangan yang di luar kawalannya, atau disebabkan oleh kebakaran, banjir, tanah runtuh, letupan, kemalangan, kekacauan industri di peringkat kebangsaan, darurat, rusuhan, kekacauan sivil atau peperangan, atau apa-apa peristiwa lain yang di luar kawalan pemegang lesen;
- (d) bekalan gas memang sedang dibekalkan; atau
- (e) Ketua Pengarah berpendapat bahawa tidaklah munasabah, memandangkan semua hal keadaan, dia dikehendaki berbuat demikian.

(2) Tiada apa-apa jua dalam perjanjian yang disebut dalam perenggan (1)(h) boleh membuat peruntukan bagi apa-apa kekecualian daripada kewajiban supaya membekalkan gas selain daripada keadaan apabila dia dihalang daripada memberikan bekalan sedemikian oleh sebab kebakaran, banjir, tanah runtuh, letupan, kemalangan, kekacauan industri di peringkat kebangsaan, darurat, rusuhan, kekacauan sivil atau peperangan atau apa-apa peristiwa serupa itu yang lain yang di luar kawalan pemegang lesen dan yang secara langsung menyentuh atau akan menyentuh keupayaannya untuk membekalkan gas.

Kuasa untuk mendapatkan kembang perbelanjaan.

16. (1) Jika apa-apa talian paip atau pemasangan diadakan oleh pemegang lesen menurut subseksyen 14(1), pemegang lesen boleh, dengan kelulusan Ketua Pengarah, menghendaki apa-apa perbelanjaan yang semunasabahnya dilakukan oleh pemegang lesen dibayar

oleh orang yang menghendaki bekalan gas setakat yang munasabah dengan mengambil kira hal keadaan.

(2) Perbelanjaan yang semunasabahnya dilakukan dalam mengadakan apa-apa talian paip atau pemasangan di bawah subseksyen (1) termasuklah nilai dipermodalkan bagi apa-apa perbelanjaan yang mungkin dilakukan sedemikian dalam menyenggarakannya, jika perbelanjaan itu tidak boleh didapatkan kembali oleh pemegang lesen sebagai sebahagian daripada tarif yang dikenakan olehnya bagi bekalan itu.

(3) Perbelanjaan yang dilakukan dalam mengadakan talian paip atau pemasangan dari alur keluar meter ke perpaipan dalaman di dalam premis hendaklah ditanggung oleh orang yang menghendaki bekalan itu.

17. (1) Seseorang pemegang lesen boleh menghendaki mana-mana orang yang menghendaki bekalan gas menurut subseksyen 14(1) supaya memberinya cagaran yang munasabah bagi segala wang yang mungkin menjadi kena dibayar kepadanya—

Kuasa pemegang lesen untuk menghendaki cagaran.

- (a) berkenaan dengan pembekalan gas; dan
- (b) berkenaan dengan apa-apa kerja perlu yang dikehendaki dilakukan bagi pembekalan gas,

dan jika orang itu tidak memberikan cagaran sedemikian, pemegang lesen boleh, jika difikirkannya patut, enggan memberikan bekalan atau mengadakan talian paip atau pemasangan sehinggalah cagaran diberikan.

(2) Jika orang itu belum memberikan cagaran dalam subseksyen (1) atau cagaran yang diberikan oleh orang itu menjadi tidak mencukupi, pemegang lesen boleh melalui notis menghendaki orang itu, dalam masa tujuh hari selepas penyampaian notis itu, memberinya cagaran yang munasabah bagi pembayaran semua wang yang kena dibayar kepadanya berkenaan dengan bekalan itu dan jika orang itu tidak memberikan cagaran sedemikian, pemegang lesen boleh, jika difikirkannya patut, memberhentikan bekalan sehinggalah cagaran diberikan.

Perjanjian
khas
berkenaan
dengan
bekalan.

18. (1) Seseorang yang menghendaki bekalan gas menurut seksyen 14 boleh membuat suatu perjanjian khas dengan pemegang lesen bagi bekalan itu atas apa-apa terma sebagaimana yang dinyatakan dalam perjanjian itu.

(2) Mana-mana terma dalam perjanjian itu yang berhubungan dengan tarif hendaklah dikemukakan kepada Ketua Pengarah untuk maklumannya bagi maksud subseksyen 13(4).

(3) Jika apa-apa perjanjian yang dibuat menurut subseksyen (1) masih berkuatkuasa, peruntukan-peruntukan seksyen 13 hingga 17 tidaklah terpakai:

Dengan syarat bahawa peruntukan-peruntukan subseksyen 14(2) hendaklah, bagaimanapun, terpakai bagi maksud-maksud menyatakan hari bekalan gas itu dikehendaki bermula dan hari perjanjian itu terhenti berkuatkuasa.

Caj bagi
bekalan gas
hendaklah
ditentukan
melalui
meter yang
sesuai

19. (1) Jika seseorang pengguna akan dikenakan caj bagi bekalan gasnya sama ada keseluruhannya atau sebahagiannya dengan merujuk kepada kuantiti gas yang dibekalkan, bekalan itu hendaklah diberikan menerusi, dan kuantiti gas hendaklah ditentukan melalui, meter yang sesuai.

(2) Meter, yang hendaklah diadakan oleh pemegang lesen, sama ada dengan cara jualan, sewaan atau pinjaman, hendaklah daripada jenis yang diluluskan oleh Ketua Pengarah atau mana-mana badan Kerajaan yang lain yang relevan yang dilantik oleh Ketua Pengarah bagi maksud itu.

(3) Meter hendaklah dipasang pada premis pengguna di suatu kedudukan yang hendaklah ditentukan oleh pemegang lesen, melainkan jika dalam hal keadaan tertentu adalah lebih munasabah meter itu ditempatkan di luar premis itu atau di suatu kedudukan lain.

(4) Jika pengguna enggan atau tidak mendapatkan bekalan gasnya menerusi meter yang sesuai yang diadakan dan dipasang mengikut subseksyen (2) dan (3),

pemegang lesen boleh enggan memberikan atau boleh memberhentikan bekalan.

20. (1) Mana-mana pemegang lesen boleh meng-
hentikan bekalan gas atau mengurangkan, sebagaimana
yang difikirkannya patut, kuantiti bekalan gas yang
dibekalkan kepada mana-mana pengguna di dalam hal
keadaan yang dinyatakan dalam seksyen 15.

Pengurangan
aiiau
penghentian
bekalan:
liabiliti.

(2) Tanpa menjejaskan mana-mana perjanjian, jika kuantiti gas telah dikurangkan seperti yang disebut terdahulu—

- (a) tiada liabiliti boleh ditanggung oleh pemegang lesen berkenaan dengan apa-apa kerugian atau kerosakan yang disebabkan oleh pengurangan itu; dan
- (b) dalam hal-hal yang sesuai, suatu potongan pada caj bagi pembekalan gas hendaklah dibuat berkadaran dengan pengurangan yang dibuat.

(3) Mana-mana pemegang lesen tidaklah bertanggungjawab bagi apa-apa kerugian kepada mana-mana orang atau kerosakan kepada mana-mana harta atau bagi apa-apa penghentian atau pengurangan bekalan gas—

- (a) yang disebabkan secara langsung oleh apa-apa perbuatan cuai pada pihak pengguna termasuk apa-apa sambungan tanpa kebenaran apa-apa talian paip atau pemasangan; atau
- (b) yang ditunjukkan telah diakibatkan oleh mana-mana peristiwa yang diperihalkan dalam seksyen 15.

(4) Pemegang lesen hendaklah bertanggungjawab bagi apa-apa kerugian kepada mana-mana orang atau apa-apa kerosakan kepada mana-mana harta atau kerana apa-apa penghentian atau pengurangan bekalan gas yang ditunjukkan telah diakibatkan oleh kecuaiannya pada pihak orang-orang yang diambil kerja oleh pemegang lesen, ejennya atau pengkhidmatnya, mengikut mana-mana yang berkenaan, atau diakibatkan oleh pembinaan tak sempurna talian paip atau pemasangan itu oleh pemegang lesen itu.

(5) Tanpa menjejaskan subseksyen (4), pemegang lesen hendaklah membetulkan apa-apa kerosakan untuk memastikan keberterusan bekalan gas dalam tempoh masa yang munasabah dan membaiki apa-apa kerosakan dari alur keluar meter ke perpaipan dalaman di dalam premis pengguna jika ditunjukkan bahawa kerosakan itu telah diakibatkan oleh perbuatan cuai pemegang lesen, ejennya atau pengkhidmatnya, mengikut mana-mana yang berkenaan.

Pemberhentian
bekalan gas.

21. (1) Jika seseorang pemegang lesen mempunyai alasan-alasan yang munasabah untuk mempercayai bahawa berkenaan dengan mana-mana premis suatu kesalahan di bawah subseksyen 30(5), 30(6), 30(7) atau 30(9) telah dilakukan, pemegang lesen itu atau mana-mana orang yang diberikuasa sewajarnya oleh pemegang lesen itu boleh, apabila diberikan notis tidak kurang daripada dua puluh empat jam dalam apa-apa bentuk yang ditetapkan, memberhentikan bekalan gas ke premis itu.

(2) Apabila bekalan diberhentikan di bawah subseksyen (1), pemegang lesen hendaklah dengan serta-merta memaklumkan seorang Pengarah tentang pemberhentian itu.

(3) Apabila diterimanya maklumat di bawah subseksyen (2), Pengarah itu hendaklah dengan segera terus memeriksa premis itu dan hendaklah, dalam masa dua puluh empat jam selepas pemeriksaan itu, membentuk pendapat—

- (a) bahawa suatu kesalahan telah dilakukan dan bahawa bekalan tidak boleh disambung semula sehingga penyiasatan selesai; atau
- (b) bahawa tiada kesalahan telah dilakukan dan bahawa bekalan gas hendaklah disambung semula dengan serta-merta dan dalam hal yang sedemikian pemegang lesen hendaklah membayar pampasan bagi apa-apa kerugian atau kerosakan yang diakibatkan oleh pemberhentian bekalan itu.

(4) Jika Pengarah itu membentuk pendapat di bawah subseksyen (3) bahawa suatu kesalahan telah dilakukan, penyiasatan di bawah seksyen 5 dan 6 hendaklah dijalankan. Apabila selesai penyiasatan itu, jika penyiasatan itu menunjukkan bahawa tiada apa-apa kesalahan telah dilakukan, bekalan gas hendaklah disambung semula dengan serta-merta dan apa-apa kerugian yang ditanggung oleh mana-mana pihak boJeh dirujuk kepada Ketua Pengarah bagi pembayaran pampasan yang mencukupi menurut suatu siasatan yang diadakan di bawah seksyen 29.

(5) Jika suatu kesalahan telah dilakukan, pemegang lesen boleh menghendaki pengguna membayar kepadanya bagi apa-apa kerugian hasil yang disebabkan oleh kesalahan yang dilakukan di bawah subseksyen 30(5), 30(6), 30(7) dan 30(9) dan apa-apa perbelanjaan yang dilakukan oleh pemegang lesen itu di bawah seksyen ini termasuk perbelanjaan yang dilakukan berkenaan dengan penyambungan semula bekalan gas.

(6) Suatu pernyataan bertulis oleh pemegang lesen atau mana-mana orang yang diberikuasa oleh pemegang lesen itu yang menyatakan—

(a) amaun kerugian unit-unit gas atau perbelanjaan yang dilakukan oleh pemegang lesen; dan

(b) orang yang bertanggung bagi pembayarannya,

hendaklah menjadi keterangan *prima facie* mengenai pembayaran yang kena dibuat oleh pengguna di bawah subseksyen (5).

(7) Amaun yang dinyatakan dalam pernyataan bertulis itu atau yang diputuskan oleh Ketua Pengarah hendaklah, dalam tempoh yang dinyatakan dalam pernyataan itu, menjadi genap masa dan kena dibayar kepada pemegang lesen dan jika tidak dibayar amaun itu boleh didapatkan melalui tindakan sivil di mahkamah.

22. Kecuali sebagaimana yang diperuntukkan dalam seksyen 20, tiada apa-apa jua yang terkandung dalam Akta ini boleh berkuatkuasa untuk melepaskan mana-mana pemegang lesen daripada apa-apa liabiliti sivil atau jenayah yang berbangkit di bawah Akta ini.

Liabiliti
tidak
terjejas.

Kuasa umum
memasuki
dan meneliti
tanah.

23. (1) Bilamana didapati oleh pemegang lesen bahawa akan menjadi perlu baginya menjalankan kuasa-kuasa yang diberikan kepadanya oleh Akta ini berkenaan dengan mana-mana tanah selain daripada tanah Kerajaan bagi maksud membina apa-apa talian paip atau pemasangan atau sebahagian daripadanya, pemegang lesen itu atau mana-mana orang yang diberikuasa olehnya boleh, selepas memberikan notis tidak kurang daripada dua puluh empat jam kepada penghuni tanah itu, jika ada, memasuki tanah itu dan membuat pengukuran dan mengambil aras dan melakukan apa-apa perbuatan lain yang perlu untuk menentukan kesesuaian tanah itu, setakat yang mungkin tanpa menyebabkan kerosakan atau gangguan.

(2) Tiada apa-apa jua yang terkandung dalam seksyen ini boleh disifatkan sebagai membenarkan mana-mana orang memotong atau membuang apa-apa tumbuhan atau apa-apa pagar atau binaan lain atau memasuki mana-mana bangunan atau apa-apa kepungan yang dipasang pada mana-mana bangunan.

(3) Dalam hal tanah rizab, notis di bawah subseksyen (1) boleh diberikan kepada pegawai atau mana-mana orang lain yang menjaga tanah rizab itu atau, jika tidak ada mana-mana pegawai atau orang sedemikian, kepada Pentadbir Tanah Daerah.

Kuasa untuk
memasuki
tanah bagi
maksud
pembinaan

24. (1) Tertakluk kepada apa yang diperuntukkan kemudian daripada ini, bilamana perlu berbuat demikian bagi maksud memasang apa-apa talian paip atau pemasangan bagi pembekalan gas di bawah Akta ini, seseorang pemegang lesen boleh meletakkan, menempatkan atau membawa di, di dalam atau di atas mana-mana tanah, selain daripada tanah Kerajaan, apa-apa talian paip atau pemasangan yang perlu atau patut bagi maksud-maksud lesen itu, dan boleh mengambil apa-apa tindakan lain yang perlu untuk menjadikan talian paip atau pemasangan itu selamat dan efisien, membayar pampasan penuh mengikut seksyen 28 kepada semua orang yang berkepentingan kerana apa-apa gangguan, kerosakan atau ketakupayaan yang mungkin disebabkan olehnya dan pampasan itu boleh termasuk bayaran

tahunan bagi tanah yang digunakan bagi maksud talian paip atau pemasangan itu.

(2) Sebelum memasuki mana-mana tanah bagi maksud yang dinyatakan dalam subseksyen (1), pemegang lesen hendaklah memberikan notis yang menyatakan, dengan se penuh dan setepat mungkin, jenis dan takat perbuatan-perbuatan yang dicadangkan hendak dilakukan. Notis itu hendaklah pada matannya mengikut bentuk yang dinyatakan dalam Jadual Pertama. Pentadbir Tanah Daerah hendaklah menyatakan tarikh Pihak Berkuasa Negeri akan menyiasat apa-apa bantahan yang mungkin telah dibuat sebagaimana yang diperuntukkan kemudian daripada ini.

(3) Notis yang disebut terdahulu hendaklah diberikan—

- (a) dalam hal tanah bermilik, kepada pemunya atau penghuni;
- (b) dalam hal tanah rizab, kepada pegawai atau mana-mana orang lain yang menjaga tanah rizab itu atau, jika tidak ada mana-mana pegawai atau orang sedemikian, kepada Pentadbir Tanah Daerah,

dan boleh dihantar melalui pos berdaftar atau ditinggalkan di tempat tinggal biasa atau yang akhir sekali diketahui bagi orang yang kepadanya notis itu dikehendaki diberikan atau disampaikan oleh pemegang lesen atau Pentadbir Tanah Daerah itu, atas perbelanjaan pemegang lesen itu, sama ada mengikut cara yang diperuntukkan terdahulu daripada ini atau mengikut cara yang diperuntukkan bagi penyampaian notis melalui mana-mana undang-undang bertulis yang berhubungan dengan tanah yang berkuatkuasa di Negeri tempat terletakinya tanah itu.

(4) Mana-mana orang yang tersebut dalam subseksyen (3) boleh, dalam masa empat belas hari dari masa penerimaan notis yang disebut dalam subseksyen itu, menyerahkan suatu bantahan terhadap perbuatan-perbuatan yang dicadangkan oleh pemegang lesen. Bantahan itu boleh dibuat kepada Pentadbir Tanah

Daerah, sama ada secara lisan atau bertulis, dan Pentadbir Tanah Daerah hendaklah memberikan notis mengenai bantahan itu kepada Pihak Berkuasa Negeri dan kepada pemegang lesen.

(5) Jika tiada bantahan diserahkan dalam masa yang dihadkan bagi maksud itu oleh subseksyen (4), pemegang lesen boleh dengan serta-merta memasuki tanah itu dan melakukan segala atau mana-mana perbuatan yang dinyatakan dalam notis yang diberikan di bawah subseksyen (2).

(6) Jika bantahan diserahkan dan tidak ditarik balik sebelum tarikh yang ditetapkan bagi pendengarannya, Pentadbir Tanah Daerah hendaklah mengadakan suatu siasatan, dengan memberi semua pihak peluang untuk didengar.

(7) Apabila selesai siasatan itu, Pentadbir Tanah Daerah boleh, sama ada tanpa syarat atau tertakluk kepada apa-apa terma, syarat dan ketentuan yang difikirkannya patut, membuat perintah yang membenarkan atau melarang mana-mana perbuatan yang tersebut dalam notis yang diberikan di bawah subseksyen (2). Perintah itu hendaklah pada matannya dalam bentuk yang dinyatakan dalam Jadual Kedua:

Dengan syarat bahawa mana-mana pihak yang tidak berpuas hati dengan perintah Pentadbir Tanah Daerah boleh dalam masa dua puluh satu hari selepas perintah itu merayu terhadap perintah itu kepada Pihak Berkuasa Negeri yang kemudiannya boleh mengesahkan, mengetepikan atau mengubah perintah itu atas apa-apa terma, syarat dan ketentuan yang difikirkannya patut.

(8) Pihak Berkuasa Negeri boleh, jika difikirkannya patut, sebagai ganti membuat suatu perintah di bawah subseksyen (7), mengarahkan pengambilan mana-mana tanah atau bahagian mana-mana tanah yang termasuk dalam notis yang diberikan di bawah subseksyen (2).

(9) Keputusan "Pihak Berkuasa Negeri di bawah seksyen ini adalah muktamad.

(10) Walau apa pun mana-mana undang-undang bertulis yang berhubungan dengan perkara-perkara mengenai tanah, Pendaftar—

- (a) apabila dikemukakan kepadanya notis yang dikeluarkan oleh pemegang lesen di bawah subseksyen (2) berserta dengan pernyataan oleh Pentadbir Tanah Daerah bahawa tiada bantahan telah diserahkan oleh mana-mana orang yang tersebut dalam subseksyen (3); atau
- (b) apabila dikemukakan kepadanya perintah asal yang dibuat di bawah subseksyen (7) dan apabila salinan terperaku perintah itu didepositkan dengannya,

hendaklah menyebabkan supaya suatu nota mengenai kewujudan hak-hak di bawah notis atau perintah itu dibuat pada dokumen hakmilik daftaran yang berhubungan dengan tanah yang tersentuh oleh notis atau perintah itu, mengikut mana-mana yang berkenaan.

25. Bilamana periu berbuat demikian bagi maksud menyenggarakan, membaiki atau meningkatkan mana-mana talian paip atau pemasangan atau bahagiannya, pemegang lesen, atau mana-mana orang yang diberikuasa olehnya bagi maksud itu, boleh pada bila-bila masa yang munasabah memasuki mana-mana tanah dan boleh menjalankan segala pembaikan yang perlu, dan boleh, dalam masa menjalankan pembaikan itu, membuang tumbuhan dan melakukan segala perkara lain yang perlu bagi maksud tersebut, dengan menyebabkan seberapa sedikit kerosakan yang mungkin dan membayar pampasan penuh mengikut seksyen 28 kepada semua orang yang berkepentingan kerana apa-apa kerosakan yang mungkin disebabkan olehnya yang pampasan baginya belum lagi ditaksirkan di bawah seksyen 24.

Penyenggaraan,
pembaikan
dan
peningkatan
talian
paip atau
pemasangan

26. (1) Jika apa-apa talian paip atau pemasangan telah dipasang di tanah di bawah seksyen 24, dan jika mana-mana orang yang tersebut dalam subseksyen 24(3) berhasrat untuk menggunakan tanah itu mengikut cara yang menjadikannya perlu atau wajar talian paip atau pemasangan itu dialihkan ke suatu bahagian lain tanah

Pengalihan
atau
pengubahan
talian
paip atau
pemasangan.

itu, atau ke tanah yang arasnya lebih tinggi atau lebih rendah, atau diubah bentuknya, maka dia boleh menuntut supaya pemegang lesen mengalihkan atau mengubah talian paip atau pemasangan itu dengan sewajarnya.

(2) Jika pemegang lesen tidak mematuhi tuntutan itu, orang itu boleh memohon secara bertulis kepada Pihak Berkuasa Negeri yang boleh, menurut budi bicaranya, selepas menyiasat segala fakta kes itu, menolak permohonan itu atau membuat suatu perintah, sama ada secara mutlak atau tertakluk kepada syarat-syarat tertentu, bagi pengalihan atau pengubahan talian paip atau pemasangan itu. Perintah itu hendaklah mengadakan peruntukan bagi pembayaran kos melaksanakan pengalihan atau pengubahan oleh pemegang lesen atau oleh orang yang membuat permohonan, sebagaimana yang difikirkan saksama oleh Pihak Berkuasa Negeri mengikut hal keadaan kes itu.

(3) Pihak Berkuasa Negeri boleh tidak menyiasat sendiri hal itu di bawah subseksyen (2) tetapi sebaliknya mengarahkan supaya Pentadbir Tanah Daerah membuat apa-apa siasatan bagi pihaknya dan membuat syor-syor kepadanya.

(4) Bilamana Pihak Berkuasa Negeri telah membuat suatu perintah bagi pengalihan atau pengubahan mana-mana talian paip atau pemasangan, maka pemegang lesen boleh tidak mengalihkan atau mengubah talian paip atau pemasangan itu tetapi sebaliknya memohon kepada Pihak Berkuasa Negeri supaya mengarahkan pengambilan tanah yang diperlukan bagi maksud-maksud talian paip atau pemasangan itu, dan Pihak Berkuasa Negeri boleh mengarahkan pengambilan itu dengan sewajarnya.

(5) Bilamana Pihak Berkuasa Negeri diberikuasa oleh seksyen ini untuk mengarahkan pengambilan mana-mana tanah, maka talian paip atau pemasangan itu hendaklah disifatkan sebagai suatu kerja bagi kemudahan awam dan mana-mana undang-undang bertulis yang berhubungan dengan pengambilan tanah yang sedang berkuatkuasa di Negeri tempat terletakinya tanah itu hendaklah dikuatkuasakan dengan sewajarnya.

(6) Bilamana sesuatu talian paip atau pemasangan telah dipasang atas tanah Kerajaan oleh seseorang pemegang lesen dan tanah itu kemudiannya diberimilik kepada mana-mana orang, maka pemunya atau penghuni tanah itu boleh, melainkan jika terma-terma pemberimilikan itu secara nyata memperuntukkan selainnya, menuntut supaya talian paip atau pemasangan itu dialihkan ke suatu bahagian lain tanah itu, atau ke tanah yang arasnya lebih tinggi atau lebih rendah, atau talian paip atau pemasangan itu diubah, dan subseksyen (1) hingga (4) hendaklah terpakai bagi mana-mana tuntutan sedemikian:

Dengan syarat bahawa kos melaksanakan pengalihan atau perubahan itu hendaklah dibayar oleh orang yang membuat tuntutan itu.

27. (1) Tiada apa-apa jua dalam seksyen 24 atau 26 boleh menyentuh hak seseorang pemegang lesen untuk membuat suatu perjanjian, yang umumnya dikenali sebagai perjanjian izin-lalu, dengan pemunya atau penghuni mana-mana tanah bagi maksud membina talian paip atau pemasangan. Perjanjian
izin-lalu.

(2) Walau apa pun mana-mana undang-undang bertulis yang berhubungan dengan tanah, Pendaftar, apabila dikemukakan kepadanya salinan asal dan didepositkan dengannya salinan terperaku bagi mana-mana perjanjian izin-lalu yang disebut dalam subseksyen (1), hendaklah menyebabkan suatu nota mengenai kewujudan perjanjian izin-lalu itu dibuat pada dokumen hakmilik daftaran yang berhubungan dengan tanah yang disentuh. oleh perjanjian izin-lalu itu.

(3) Jika sesuatu perjanjian izin-lalu adalah berhubungan dengan tanah yang merupakan suatu tanah pegangan yang termasuk dalam Daftar Interim—

(a) subseksyen (2) hendaklah terpakai seolah-olah "Pendaftar" dan "dokumen hakmilik daftaran" masing-masingnya telah digantikan dengan "Pesuruhjaya" dan "folio yang berkenaan dalam Daftar Interim"; dan

Akta 2/63

(b) apabila dokumen hakmilik tetap dikeluarkan bagi tanah itu di bawah seksyen 39 Akta Kanun Tanah Negara (Hakmilik Pulau Pinang dan Melaka) 1963, apa-apanota yang dibuat menurut subseksyen (2) sebagaimana yang diubah oleh perenggan' (a) hendaklah (jika nota itu masih berkuatkuasa sebelum sahaja pengeluaran dokumen itu) dicatatkan oleh Pesuruhjaya pada dokumen hakmilik daftaran dan hendaklah terus berkuatkuasa seolah-olah nota itu telah dicatatkan di bawah subseksyen itu.

(4) Selagi masih ada pada dokumen hakmilik daftaran atau folio yang berkenaan dalam Daftar Interim suatu nota yang dibuat menurut subseksyen (2) atau (3), segala urusan berkenaan dengan tanah yang dimaksudkan oleh nota itu hendaklah disifatkan tertakluk kepada hak-hak pemegang lesen di bawah dan menurut kuasa perjanjian izin-lalu yang berkenaan dengannya nota itu telah dibuat.

(5) Dalam seksyen ini—

"Pesuruhjaya" dan "Daftar Interim" masing-masingnya mempunyai erti yang diberikan kepadanya oleh Akta Kanun Tanah Negara (Hakmilik Pulau Pinang dan Melaka) 1963.

Pampasan.

28. (1) Amaun pampasan, jika ada, yang kena dibayar di bawah seksyen 23, 24 atau 25 hendaklah ditaksirkan oleh Pentadbir Tanah Daerah selepas apa-apa siasatan yang difikirkannya mencukupi. Taksiran itu hendaklah pada matannya mengikut bentuk yang dinyatakan dalam Jadual Ketiga:

Dengan syarat bahawa tiada pampasan kena dibayar oleh pemegang lesen berkenaan dengan mana-mana pokok dalam jarak lima puluh kaki dari garis tengah mana-mana jalan yang dibina atau disenggara oleh Kerajaan Negeri atau oleh mana-mana pihak berkuasa tempatan melainkan jika dibuktikan bahawa pokok itu telah sedia ada sebelum pembinaan jalan itu.

(2) Mana-mana orang yang terkilang dengan taksiran Pentadbir Tanah Daerah boleh dalam masa dua puluh satu had selepas taksiran itu merayu kepada Pihak Berkuasa Negeri yang keputusannya adalah muktamad.

BAHAGIAN VII

SIASATAN

29. (1) Tanpa menjejaskan mana-mana terma dan syarat dalam mana-mana perjanjian khas, jika suatu pertikaian berbangkit di antara pemegang lesen dengan pengguna berkenaan dengan perkara-perkara yang termasuk di bawah seksyen 13 hingga 21, pertikaian itu boleh dirujuk kepada Ketua Pengarah.

Prosedur
semasa
siasatan.

(2) Ketua Pengarah hendaklah—

- (a) memutuskan pertikaian itu dan membuat suatu perintah dengan sewajarnya atau, jika pertikaian itu merupakan suatu pertikaian kontrak di bawah mana-mana terma dalam mana-mana perjanjian, boleh menentukan bahawa pertikaian itu hendaklah diputuskan mengikut mana-mana peruntukan bagi pemutusan pertikaian di bawah perjanjian itu atau diputuskan oleh mahkamah dengan sewajarnya; atau
- (b) memutuskan bahawa, dengan kelulusan Menteri, suatu jawatankuasa siasatan dibentuk untuk menyiasat pertikaian itu.

(3) Jawatankuasa penyiasatan yang disebut dalam perenggan (2)(b) hendaklah terdiri daripada tiga orang anggota dengan Ketua Pengarah sebagai Pengerusi.

(4) Bagi maksud-maksud siasatan sedemikian, jawatankuasa itu boleh memanggil mana-mana orang supaya menghadiri mana-mana mesyuarat jawatankuasa tersebut untuk memberikan keterangan dengan bersumpah atau mengemukakan apa-apa dokumen atau benda lain dalam miliknya yang berhubungan dengan perkara-perkara yang menjadi hal perkara siasatan sedemikian dan menyiasat-periksanya sebagai saksi.

(5) Mana-mana orang yang, di bawah subseksyen (4)-

- (a) setelah dipanggil supaya menghadiri mana-mana siasatan sedemikian, tidak berbuat demikian;
- (b) menunjukkan apa-apa perbuatan tak hormat atau apa-apa penghinaan atau ancaman kepada jawatankuasa itu atau mana-mana anggotanya dalam sesuatu siasatan; atau
- (c) setelah dikehendaki oleh jawatankuasa itu supaya memberikan keterangan dengan bersumpah atau supaya mengemukakan apa-apa dokumen atau benda, enggan berbuat demikian atau memberikan keterangan palsu atau mengemukakan suatu dokumen atau benda yang diketahuinya adalah palsu,

adalah melakukan suatu kesalahan dan, apabila disabitkan, boleh didenda tidak melebihi tiga ribu ringgit atau dipenjarakan selama tempoh tidak melebihi satu tahun atau kedua-duanya.

(6) Jawatankuasa hendaklah, setelah selesai siasatan, memutuskan pertikaian itu dan membuat suatu perintah dengan sewajarnya.

(7) Sementara menanti diputuskan apa-apa pertikaian tentang perkhidmatan pembekalan gas di antara seseorang pemegang lesen dengan seseorang pengguna, pemegang lesen itu hendaklah, melainkan jika diarahkan selainnya oleh Ketua Pengarah, terus memberikan bekalan gas sehingga pertikaian itu diputuskan.

(8) Mana-mana orang yang terkilan dengan sesuatu keputusan Ketua Pengarah di bawah subseksyen (2) atau keputusan jawatankuasa di bawah subseksyen (6) boleh memohon kepada Menteri supaya ditimbang semula perkara yang dipertikaikan itu.

(9) Permohonan kepada Menteri hendaklah dibuat secara bertulis dalam masa dua puluh satu hari dari tarikh keputusan Ketua Pengarah, atau dalam apa-apa tempoh lanjut yang dibenarkan oleh Menteri dalam hal-hal keadaan khas, dan hendaklah mengandungi asas-asas kilanan itu.

(10) Menteri hendaklah kemudian memutuskan pertikaian itu dan membuat perintah sewajarnya dan keputusannya adalah muktamad.

BAHAGIAN VIII

KESALAHAN DAN PENALTI

30. (1) Mana-mana orang yang, dengan melanggar seksyen 11, membekalkan gas melalui talian paip tanpa apa-apa lesen adalah melakukan suatu kesalahan dan, apabila disabitkan, boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya dan didenda selanjutnya tidak melebihi satu ribu ringgit bagi tiap-tiap hari atau sebahagian daripada sehari kesalahan itu berterusan selepas sabitan, dan mana-mana talian paip atau pemasangan atau bahagiannya yang digunakan atau dicadangkan hendak digunakan dalam melakukan kesalahan itu boleh dilucuthakkan. Kesalahan

(2) Bagi maksud subseksyen (1), mana-mana pemegang lesen yang, tanpa kebenaran nyata daripada Ketua Pengarah, membekalkan gas atau meletakkan apa-apa talian paip atau membina apa-apa pemasangan di luar kawasan bekalan yang ditentukan dalam lesennya hendaklah disifatkan beroperasi tanpa lesen.

(3) Mana-mana orang yang—

- (a) enggan memberi mana-mana pegawai diberikuasa akses ke mana-mana tempat menurut kuasanya di bawah seksyen 5;
- (b) menyerang, menghalang, menggendalakan atau melengahkan mana-mana pegawai diberikuasa dalam membuat apa-apa kemasukan yang berhak dibuatnya di bawah seksyen 5, atau dalam pelaksanaan apa-apa kewajipan yang dikenakan atau kuasa yang diberikan oleh Akta ini;
- (c) enggan memberi mana-mana pegawai diberikuasa (tertakluk kepada proviso dalam subseksyen 8(2)) apa-apa maklumat yang berhubungan dengan sesuatu kesalahan atau

kesalahan yang disyaki di bawah Akta ini atau apa-apa maklumat lain yang semunasabahnya dikehendaki daripadanya dan yang, kerana dia mengetahuinya atau ada kuasa untuk berbuat demikian, boleh diberikannya di bawah seksyen 8; atau

- (d) dengan disedarinya atau secara melulu memberikan maklumat palsu kepada seseorang " orang diberikuasa di bawah seksyen 8,

adalah melakukan suatu kesalahan dan, apabila disabitkan, boleh didenda tidak melebihi lima ribu ringgit atau dipenjarakan selama tempoh tidak melebihi dua tahun atau kedua-duanya.

(4) Mana-mana pemegang lesen yang tanpa sebab yang sah tidak mematuhi apa-apa terma atau syarat yang dinyatakan dalam lesen adalah melakukan suatu kesalahan dan, apabila disabitkan, boleh didenda tidak melebihi sepuluh ribu ringgit dan didenda selanjutnya tidak melebihi satu ribu ringgit bagi tiap-tiap hari atau sebahagian daripada sehari kesalahan itu berterusan selepas sabitan.

(5) Mana-mana orang yang dengan apa-apa perbuatan atau peninggalan yang sengaja, curang atau cuai menyambung, melaraskan, mengubah, mengalihkan, memusnahkan atau merosakkan mana-mana talian paip atau pemasangan atau bahagiannya adalah melakukan suatu kesalahan dan, apabila disabitkan, boleh didenda tidak melebihi lima puluh ribu ringgit.

(6) Mana-mana orang yang dengan apa-apa perbuatan atau peninggalan yang curang, gopoh atau cuai mengganggu atau merosakkan mana-mana talian paip atau pemasangan atau bahagiannya sehingga menyebabkan atau mungkin menyebabkan kecederaan kepada nyawa atau tubuh manusia atau kerosakan kepada mana-mana harta adalah melakukan suatu kesalahan dan, apabila disabitkan, boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.

(7) Mana-mana orang yang—

- (a) menyebabkan mana-mana talian paip atau pemasangan atau bahagiannya dilencongkan dari perjalanannya yang sepatutnya dengan tujuan untuk mengambil, menggunakan, memakai atau membazirkan gas darinya;
- (b) dengan curang mengubah indeks mana-mana meter atau alatan lain yang digunakan pada atau berkaitan dengan mana-mana talian paip atau pemasangan atau bahagiannya kepunyaan mana-mana pemegang lesen atau mana-mana orang lain bagi merekodkan keluaran atau penggunaan gas;
- (c) menghalang mana-mana meter atau alatan lain merekodkan dengan sewajarnya keluaran atau penggunaan gas;
- (d) merosakkan mana-mana meter atau alatan lain yang digunakan pada atau berkaitan dengan mana-mana talian paip atau pemasangan atau bahagiannya bagi merekodkan keluaran atau penggunaan gas; atau
- (e) dengan curang mengambil atau menggunakan atau memakai gas,

adalah melakukan suatu kesalahan dan, apabila disabitkan, boleh didenda tidak melebihi lima ribu ringgit atau dipenjarakan selama tempoh tidak melebihi tiga tahun atau kedua-duanya.

(8) Tiada seorang pun boleh, tanpa kebenaran sah pemegang lesen, mengusahakan apa-apa kerja atau melibatkan diri dalam apa-apa aktiviti berhampiran dengan mana-mana talian paip atau pemasangan atau bahagiannya mengikut cara yang mungkin mengganggu talian paip atau pemasangan atau bahagiannya itu atau menyebabkan bahaya kepada mana-mana orang atau harta melainkan jika pemegang lesen telah mengambil semua langkah yang munasabah untuk memberikan notis yang sepatutnya tentang kewujudan mana-mana talian paip atau pemasangan atau bahagiannya dan langkah-langkah yang ditetapkan oleh Ketua Pengarah bagi

perlindungan talian paip atau pemasangan atau bahagiannya itu.

(9) Mana-mana orang yang melanggar subseksyen (8) adalah melakukan suatu kesalahan dan, apabila disabitkan, boleh didenda tidak melebihi lima ribu ringgit atau dipenjarakan selama tempoh tidak melebihi dua tahun atau kedua-duanya.

Penalti am

31. Mana-mana orang yang dengan apa-apa perbuatan atau peninggalan melanggar mana-mana peruntukan Akta ini atau mana-mana peraturan yang dibuat di bawahnya adalah melakukan suatu kesalahan dan, jika tiada penalti diperuntukkan dengan nyata, apabila disabitkan boleh didenda tidak melebihi lima puluh ribu ringgit dan, dalam hal kesalahan berterusan, boleh didenda tidak melebihi satu ribu ringgit bagi tiap-tiap hari atau sebahagian daripada sehari kesalahan itu berterusan selepas sabitan.

Kesalahan yang dilakukan oleh pertubuhan perbadanan: pegawai disifatkan bersalah.

32. (1) Jika seseorang yang disabitkan berkenaannya dengan mana-mana kesalahan di bawah Akta ini atau mana-mana peraturan yang dibuat di bawahnya ialah suatu pertubuhan perbadanan, ia hanya boleh dikenakan apa-apa denda yang diperuntukkan dalam Akta ini atau peraturan itu.

(2) Jika seseorang yang dipertuduh atas suatu kesalahan di bawah Akta ini atau mana-mana peraturan yang dibuat di bawahnya ialah suatu pertubuhan perbadanan, tiap-tiap orang yang, pada masa kesalahan itu dilakukan, ialah pengarah atau pegawai pertubuhan perbadanan itu boleh dipertuduh bersesama dalam presiding yang sama dengan pertubuhan perbadanan itu, dan jika pertubuhan perbadanan itu disabitkan atas kesalahan yang dipertuduhkan, maka tiap-tiap pengarah atau pegawai sedemikian hendaklah disifatkan telah melakukan kesalahan itu melainkan jika dia membuktikan bahawa kesalahan itu telah dilakukan tanpa pengetahuannya atau bahawa dia telah mengambil langkah berjaga-jaga yang munasabah untuk mencegah pelaksanaan kesalahan itu.

(3) Mana-mana orang yang akan boleh dikenakan apa-apa penalti di bawah Akta ini atau mana-mana peraturan yang dibuat di bawahnya kerana apa-apa jua yang dilakukan atau ditinggalkan sekiranya perkara itu telah dilakukan atau ditinggalkan olehnya sendiri boleh dikenakan penalti yang sama jika perkara itu telah dilakukan atau ditinggalkan oleh ejennya, melainkan jika dia membuktikan bahawa dia telah mengambil langkah berjaga-jaga yang munasabah untuk mencegah pelakuan atau peninggalan perkara itu.

33. Dalam mana-mana pendakwaan bagi sesuatu kesalahan di bawah seksyen 30 bukti mengenai— Beban pembuktian.

- (a) kewujudan cara-cara buatan yang, sama ada bersendirian atau bersama dengan cara-cara buatan tambahan yang tidak dijumpai, dapat digunakan bagi mengubah, atau memudahkan pengubahan, indeks mana-mana meter atau alatan yang digunakan bagi mencatatkan kuantiti gas yang dibekalkan;
- (b) kewujudan cara-cara buatan yang, sama ada bersendirian atau bersama dengan cara-cara buatan tambahan yang tidak dijumpai, akan menghalang, atau memudahkan penghalangan, mana-mana meter atau alatan daripada mencatatkan dengan sewajarnya kuantiti gas yang dibekalkan, atau yang akan memudahkan pengambilan, penggunaan, atau pemakaian gas dengan curang; atau
- (c)
 - (i) pemasangan apa-apa bahagian atau sambungan buatan, mekanik atau bahagian atau sambungan lain pada;
 - (ii) ketiadaan atau pengalihan mana-mana bahagian atau sambungan daripada; atau
 - (iii) gangguan kepada mana-mana bahagian atau sambungan,

mana-mana radas dalam hal keadaan yang sedemikian rupa sehingga pemasangan, ketiadaan, pengalihan atau gangguan itu akan menghalang atau memudahkan penghalangan

mana-mana meter atau alatan lain daripada mencatatkan dengan sewajarnya kuantiti gas yang dibekalkan, atau akan memudahkan pengambilan, penggunaan atau pemakaian gas dengan curang,

hendaklah menjadi keterangan *prima facie* bahawa telah ada pengubahan curang indeks mana-mana meter atau alatan, atau penghalangan, pengambilan, penggunaan atau pemakaian gas dengan curang, mengikut mana-mana yang berkenaan dan bahawa pengubahan, penghalangan, pengambilan, penggunaan atau pemakaian dengan curang itu, mengikut mana-mana yang berkenaan, telah dijalankan oleh—

- (aa) orang yang memasang bahagian atau sambungan buatan, mekanik atau apa-apa bahagian atau sambungan lain yang disebut terdahulu;
- (bb) orang yang mengalihkan mana-mana bahagian atau sambungan sebagaimana yang disebut terdahulu;
- (cc) orang yang mengganggu mana-mana bahagian atau sambungan sebagaimana yang disebut terdahulu;
- (dd) pengguna yang menggunakan meter atau alatan itu;
- (ee) orang yang mempunyai kawalan ke atas talian paip atau pemasangan atau bahagiannya di mana ia terpasang; atau
- (ff) penghuni premis yang padanya meter atau alatan itu dipasang.

Peng-
kompaunan.

34. (1) Menteri boleh, melalui perintah dalam *Warta*, menetapkan mana-mana kesalahan di bawah Akta ini atau mana-mana peraturan yang dibuat di bawahnya sebagai kesalahan yang boleh dikompaunkan.

(2) Ketua Pengarah atau mana-mana pegawai yang diberikuasa olehnya boleh mengkompaunkan mana-mana kesalahan yang ditetapkan di bawah subseksyen (1)

dengan memungut daripada mana-mana orang yang semunasabahnya disyaki telah melakukan kesalahan itu sejumlah wang yang tidak melebihi satu ribu ringgit.

BAHAGIAN IX

AM

35. Melainkan jika dikecualikan selainnya, tiada kerja berkenaan dengan pemasangan, pembinaan, penyenggaraan, pembaikan atau pengendalian mana-mana talian paip atau pemasangan atau bahagiannya boleh dijalankan kecuali oleh atau di bawah pengawasan dan diperakui oleh seorang orang kompeten.

Orang kompeten.

36. (1) Bilamana apa-apa kemalangan atau kebakaran yang menyebabkan atau mengakibatkan kehilangan nyawa atau kecederaan kepada mana-mana orang atau kerosakan serius pada harta telah berlaku berkaitan dengan mana-mana talian paip atau pemasangan atau bahagiannya, pengguna atau pemegang lesen, mengikut mana-mana yang berkenaan, hendaklah melaporkan kemalangan atau kebakaran itu kepada Pengarah dengan cara yang paling cepat yang ada, dan kemudiannya, tanpa kelengahan seboleh mungkin, hendaklah melaporkan secara bertulis fakta-fakta perkara itu setakat yang diketahui oleh mereka masing-masing.

Kemalangan serius hendaklah dilaporkan.

(2) Mana-mana orang yang, tanpa alasan yang sah, melanggar atau tidak mematuhi subseksyen (1) adalah melakukan suatu kesalahan.

37. Tiada tindakan atau pendakwaan boleh dibawa, dimulakan atau disenggara di mana-mana mahkamah terhadap Ketua Pengarah atau pegawai-pegawai yang dilantik atau diberikuasa dengan sewajarnya untuk bertindak di bawah Akta ini berkenaan dengan apa-apa jua yang dilakukan atau ditinggalkan daripada dilakukan olehnya dengan suci hati dalam melaksanakan atau berupa sebagai melaksanakan fungsi-fungsi, kuasa-kuasa dan tugas-tugasnya di bawah Akta ini atau mana-mana peraturan-peraturan yang dibuat di bawahnya.

Perlindungan Ketua Pengarah dan pegawai-pegawai diberikuasa.

Kuasa-kuasa
khas semasa
darurat.

38. (1) Yang di-Pertuan Agong boleh, apabila berlaku apa-apa kerusuhan perindustrian, mogok, sekat-masuk atau apa-apa kejadian lain yang membangkitkan suatu darurat, atau demi kepentingan keselamatan awam, memberikuasa Ketua Pengarah untuk—

- (a) menggantung lesen mana-mana pemegang lesen, mengambil milik sementara mana-mana talian paip atau pemasangan pemegang lesen itu dan mengendalikannya mengikut cara yang difikirkannya patut; atau
- (b) menarik balik sama ada pada sebahagiannya atau keseluruhannya penggunaan mana-mana talian paip atau pemasangan daripada mana-mana orang atau golongan orang atau daripada orang awam pada umumnya.

(2) Jika apa-apa keraguan berbangkit tentang kewujudan sesuatu darurat atau sama ada apa-apa tindakan yang dilakukan di bawah subseksyen (1) adalah bagi kepentingan keselamatan awam, maka suatu perakuan yang ditandatangani oleh Yang di-Pertuan Agong dan dipamerkan di mana-mana tempat yang difikirkan patut oleh Menteri hendaklah menjadi bukti konklusif mengenai perkara itu.

(3) Jika Ketua Pengarah mengambil milik mana-mana talian paip atau pemasangan mana-mana pemegang lesen di bawah perenggan (1)(a) pemegang lesen itu hendaklah dibayar pampasan yang mencukupi yang hendaklah ditentukan oleh Ketua Pengarah selepas memberi pemegang lesen itu peluang untuk didengar mengenai perkara itu.

BAHAGIAN X

KUASA UNTUK MEMBUAT PERATURAN

Kuasa untuk
membuat
peraturan.

39. Menteri boleh membuat peraturan-peraturan berkenaan dengan mana-mana perkara yang boleh ditetapkan di bawah Akta ini dan khususnya—

- (a) fungsi-fungsi dan tugas-tugas Ketua Pengarah, mana-mana Pengarah atau pegawai yang dilantik

di bawah seksyen 3 dan mana-mana pegawai diberikuasa;

- (b) bad-had perubahan komposisi, tekanan dan ketulenan gas yang dibekalkan;
- (c) pengurusan mana-mana talian paip atau pemasangan di bawah seksyen 11;
- (d) cara bagaimana gas boleh distor bagi maksud pengagihan melalui talian paip;
- (e) fee-fee yang kena dibayar bagi lesen-lesen yang dikehendaki supaya ditetapkan di bawah Akta ini;
- (f) langkah-langkah yang dikehendaki diambil dan kelengkapan yang dikehendaki dibekalkan dan digunakan berkaitan dengan talian paip dan pemasangan untuk menjamin keselamatan awam dan persendirian;
- (g) cara penyampaian dan bentuk notis;
- (h) standard dan cara-cara bagi pembinaan dan bahan-bahan yang dikehendaki digunakan bagi talian paip, pemasangan, kelengkapan, atau perkakas;
- (i) jenis latihan, peperiksaan dan ujian bagi pengawardsan perakuan di bawah seksyen 35, bentuk perakuan itu, cara pengeluarannya dan pengeluarannya, fee yang kena dibayar bagi peperiksaan dan perakuan itu dan cara dan hal keadaan dalam mana perakuan itu boleh diubahsuaikan, digantung atau dibatalkan;
- (j) cara-cara yang hendaklah diterima-pakai, sama ada melalui larangan atau selainnya, untuk mencegah atau memberhentikan apa-apa kacau-ganggu yang mungkin berbangkit atau yang berbangkit daripada pengerjaan mana-mana talian paip, pemasangan, kelengkapan atau perkakas;
- (k) pengawalseliaan hubungan di antara pemegang lesen dengan pengguna, seperti peruntukan-peruntukan mengenai pendapatan caj-caj bagi

pembekalan, penyambungan, pemberhentian atau pemulihan bekalan gas oleh pemegang lesen, kemasukan ke dalam mana-mana premis oleh pemegang lesen atau pegawai-pegawai diberikuasanya bagi maksud-maksud yang berhubungan dengan pembekalan, penyambungan, pemberhentian atau pemulihan bekalan, kemasukan bagi maksud-maksud menggantikan, memperbaiki atau mengubah mana-mana talian paip, pemasangan, kelengkapan atau perkakas dan bentuk mana-mana notis yang dikehendaki;

- (l) cara dan prosedur bagi mengkompaunkan kesalahan-kesalahan yang dinyatakan dalam seksyen 34;
- (m) cara dan prosedur bagi penyiasatan apa-apa kemalangan serius yang dilaporkan menurut seksyen 36;
- (n) lat tempoh, masa dan cara bagi pemeriksaan mana-mana paip atau pemasangan, notis (jika ada) yang dikehendaki diberikan berhubungan dengan mana-mana pemeriksaan dan persiapan yang dikehendaki supaya dibuat oleh pemegang lesen atau mana-mana pemunya atau penghuni mana-mana premis bagi pemeriksaan sedemikian;
- (o) fee yang kena dibayar berkenaan dengan pemeriksaan, pengujian dan penyenggaraan pemasangan pengguna, pemasangan dan pengujian meter dan berkenaan dengan apa-apa perkhidmatan lain yang diberikan dengan sepatutnya untuk pengguna; dan
- (p) apa-apa perkara lain pada amnya untuk memberikan kuatkuasa kepada peruntukan-peruntukan Akta ini.

BAHAGIAN XI

PELBAGAI

Seksyen tertentu Akta tidak terpakai bagi kilang.

40. Dalam Akta ini, seksyen 5, 35 dan 36 dan perkara-perkara yang berhubungan dengan perenggan 39(c), 39(d), 39(f), 39(i), 39(j), 39(m) dan 39(n) tidaklah

terpakai bagi pembekalan gas melalui talian paip di dalam kilang-kilang sebagaimana yang ditakrifkan di bawah Akta Kilang dan Jentera 1967.

Akta 139

41. Walau apa pun mana-mana peruntukan yang bertentangan dalam Akta Kemajuan Petroleum 1974, Akta Petroleum (Langkah-Langkah Keselamatan) 1984 atau Akta Kilang dan Jentera 1967 yang berhubungan dengan pembekalan gas melalui talian paip, peruntukan-peruntukan Akta ini hendaklah mengatasi setakat ketakkonsistenan itu.

Peruntukan yang bertentangan.
Akta 144
Akta 302

42. Menteri boleh, melalui pemberitahuan dalam *Warta*, mengecualikan—

Pengecualian.

(a) mana-mana orang atau golongan orang daripada—

(i) dilesenkan di bawah seksyen 11 Akta ini; dan/atau

(ii) peruntukan-peruntukan seksyen 35 Akta ini,

dan boleh, melalui pemberitahuan yang serupa, mengkensel mana-mana pengecualian yang diberitahukan sedemikian.

43. (1) Tertakluk kepada subseksyen (2), mana-mana orang yang, sebelum sahaja tarikh mula berkuatkuasanya Akta ini, telah membekalkan gas melalui talian paip di mana-mana premis bolehlah terus berbuat demikian dalam tempoh enam bulan dari tarikh mula berkuatkuasanya Akta ini:

Peruntukan peralihan dan kecuaan.

Dengan syarat bahawa dalam tempoh itu orang itu hendaklah membuat permohonan bagi mendapatkan lesen atau pengecualian daripada dikehendaki memegang lesen di bawah Akta ini:

Dengan syarat selanjutnya bahawa jika orang itu sudah pun membuat permohonan dia boleh terus membekalkan gas melalui talian paip di dalam premis yang sama sehingga permohonannya dibereskan, ditarik balik, dibenarkan atau dikecualikan di bawah Akta ini.¹

(2) Mana-mana talian paip atau pemasangan atau bahagiannya di mana-mana premis yang disebut dalam subseksyen (1) boleh terus dipakai bag! maksud itu sehingga masa diputuskan oleh Ketua Pengarah atau mana-mana pegawai awam yang diberikuasa olehnya bahawa pemakaian itu hendaklah diberhentikan.

JADUAL PERTAMA

(Subseksyen 24(2))

MALAYSIA

NEGERI..... ..

AKTA BEKALAN GAS 1992

*NOTIS CADANGAN UNTUK MEMASUKI DAN MELAKUKAN
KERJA DI TANAH DI BAWAH SEKSYEN 24*

Kepada:

Hakmilik atau perihal lain tanah.....

Sila ambil perhatian bahawa saya/kami.....yang beralamat di..... iaitu pemegang lesen yang bertarikh.....di bawah Akta Bekalan Gas 1992 berhasrat memasuki tanah yang tersebut di atas bagi maksud.....

(di sini nyatakan dengan sepenuh dan setepat mungkin apa yang dicudangkan hendak dilakukan)

Dalam masa empat belas hari dari tarikh penerimaan notis ini anda boleh menyerahkan suatu bantahan sama ada secara lisan atau bertulis kepada Pentadbir Tanah Daerah di.....

Pentadbir Tanah Daerah telah menetapkan.....
.....sebagai hari bantahan itu akan didengar.

Melainkan jika anda menyerahkan suatu bantahan dalam masa yang dinyatakan, akan dianggapkan bahawa anda telah mengizinkan kemasukan saya/kami ke tanah itu mengikut terma-terma notis ini.

Anda akan dibayar pampasan yang sepatutnya bagi apa-apa kerosakan yang dilakukan.

Bertarikh pada.....haribulan..... 19.....

Pemegang Lesen

JADUAL KEDUA
(Subseksyen 24(7))

MALAYSIA

NEGERI.....

AKTA BEKALAN GAS 1992

*PERINTAH PENTADBIR TANAH DAERAH BERKENAAN DENGAN
BANTAHAN TERHADAP KEMASUKAN KE TANAH*

Kepada:

Dalam perkara siasatan yang diadakan di bawah subseksyen 24(6) Akta Bekalan Gas 1992 di antara pemegang lesen dengan pemunya tanah yang terletak di Lot No..... Hakmilik No..... Mukim.....

Suatu siasatan telah diadakan pada.....di hadapan.....Pentadbir Tanah Daerahdengan dihadiri oleh.....bagi pihak pemegang lesen dan.....bagi pihak pemunya tanah.

Selepas mengadakan siasatan, adalah dengan ini diperintahkan seperti yang berikut:

- **(a)* pemegang lesen dibenarkan memasuki tanah yang tersebut untuk melakukan kerja-kerja sebagaimana yang dinyatakan dalam notis yang dikeluarkan di bawah subseksyen 24(2) Akta Bekalan Gas 1992;
- **(b)* pemegang lesen dibenarkan memasuki tanah yang tersebut untuk melakukan kerja-kerja sebagaimana yang dinyatakan dalam notis yang dikeluarkan di bawah subseksyen 24(2) Akta Bekalan Gas 1992 tertakluk kepada syarat-syarat yang berikut:
 - (i)
 - (ii)
 - (iii)
 - (iv)
 (Nyatakan syarat-syarat)
- **(c)* pemegang lesen tidak dibenarkan memasuki tanah tersebut untuk melakukan kerja-kerja yang dinyatakan dalam notis yang dikeluarkan di bawah subseksyen 24(2) Akta Bekalan Gas 1992.

Bertarikh pada.....haribulan.....,19.....

Pentadbir Tanah Daerah

* potong mana-mana yang tidak berkenaan

RANG UNDANG-UNDANG

JADUAL KETIGA

(Subseksyen 28(1))

MALAYSIA

NEGERI..... ..

AKTA BEKALAN GAS 1992

TAKSIRAN

Kepada:

Dalam perkara siasatan bagi pembayaran pampasan di bawah seksyen 23*, 24* atau 25* Akta Bekalan Gas 1992 di antara pemegang lesen dengan pemunya tanah yang terletak di Lot No..... Hakmilik No..... Mukim.....

Suatu siasatan telah diadakan pada.....di hadapan.....,.....Pentadbir Tanah Daerahdengan dihadiri oleh.....bagi pihak pemegang lesen dan.....bagi pihak pemunya tanah.

Selepas mengadakan siasatan, adalah dengan ini diperintahkan bahawa pampasan yang kena dibayar oleh pemegang lesen kepada pemunya tanah adalah seperti yang berikut:

Bertarikh pada.....haribulan.....,.....19.....

Pentadbir Tanah Daerah

* potong mana-mana yang tidak berkenaan

HURAIAN

Akta Bekalan Gas 1992 yang dicadangkan (kemudian daripada ini disebut "Akta") bertujuan mengadakan peruntukan bagi perlantikan dan fungsi Ketua Pengarah Bekalan Gas, pelesenan pembekalan gas melalui talian paip, pembekalan gas pada harga yang munasabah, pengawalan pemasangan dan perkakas pengagihan gas berkenaan dengan perkara-perkara yang berhubungan dengan keselamatan orang-orang dan bagi maksud-maksud yang berkaitan dengannya.

BAHAGIAN I

2. Bahagian I bertujuan mengadakan peruntukan bagi perkara-perkara permulaan.

3. *Fasal 1* menyatakan tajuk ringkas dan bertujuan membenarkan Menteri menetapkan tarikh mula berkuatkuasanya Akta. Akta hendaklah terpakai di seluruh Malaysia. Walau bagaimanapun Menteri boleh, melalui perintah, menggantung kuatkuasa keseluruhan atau mana-mana peruntukannya di mana-mana Negeri.

4. *Fasal 2* mentakrifkan perkataan-perkataan dan ungkapan-ungkapan tertentu yang digunakan dalam Akta.

BAHAGIAN II

5. Bahagian II bertujuan mengadakan peruntukan bagi perlantikan Ketua Pengarah Bekalan Gas dan pegawai-pegawai lain.

BAHAGIAN III

6. *Fasal 4* bertujuan mengadakan peruntukan bagi fungsi, tugas dan kuasa Ketua Pengarah dan pegawai-pegawai lain.

BAHAGIAN IV

7. *Fasal 5* memberi pegawai diberikuasa kuasa untuk memasuki mana-mana tanah atau bangunan bagi maksud-maksud memeriksa dan meneliti mana-mana talian paip atau pemasangan dan menyita atau mengelak mana-mana artikel yang berhubungan dengan apa-apa kesalahan yang dilakukan.

8. *Fasal 6* mengadakan peruntukan bagi kuasa-kuasa penyiasatan mana-mana pegawai diberikuasa berhubungan dengan apa-apa kesalahan yang dilakukan di bawah Akta atau mana-mana peraturan yang dibuat di bawahnya.

9. *Fasal 7* mengadakan peruntukan bagi kuasa pegawai diberikuasa untuk menghendaki kehadiran mana-mana orang yang mengetahui hal untuk membantunya dalam penyiasatan.

10. *Fasal 8* mengadakan peruntukan bagi kuasa pegawai diberikuasa untuk menyoal-periksa mana-mana orang yang mengetahui fakta-fakta dan hal keadaan sesuatu kes untuk mendapatkan maklumat.

11. *Fasal 9* mengadakan peruntukan bagi Ketua Pengarah atau pegawai-pegawai diberikuasanya menjalankan pendakwaan.

12. *Fasal 10* mengadakan peruntukan bagi pemberian hadiah kepada mana-mana orang yang memberikan maklumat yang membawa kepada pensabitan dan pendendaan mana-mana orang.

BAHAGIAN V

13. *Fasal 11* mengadakan peruntukan bagi pelesenan mana-mana orang untuk membekalkan gas melalui talian paip atau mana-mana pemasangan. Lesen-lesen boleh diberikan oleh Ketua Pengarah dengan kelulusan Menteri apabila dibayar apa-apa fee dan atas apa-apa syarat yang perlu atau suaimanfaat.

14. *Fasal 12* membolehkan Ketua Pengarah menghendaki cagaran diberikan sebelum apa-apa lesen boleh dikeluarkan. Fasal itu juga mengadakan peruntukan bagi penggantungan atau pembatalan mana-mana lesen apabila mana-mana syaratnya dilanggar.

BAHAGIAN VI

15. Bahagian VI adalah berhubungan dengan pembekalan gas oleh pemegang lesen. Bahagian ini juga memberi pemegang lesen kuasa untuk memasuki tanah bagi maksud-maksud Akta ini.

16. *Fasal 13* membenarkan pemegang lesen menentukan tarif tertakluk kepada kelulusan Menteri. Tarif yang ditentukan hendaklah dirangkakan sedemikian rupa untuk menunjukkan cara-cara bagaimana dan prinsip-prinsip yang berdasarkannya tarif hendak dibuat serta juga harga-harga yang hendak dikenakan. Apa-apa tarif yang ditentukan hendaklah diberi publisiti yang secukupnya.

17. *Fasal 14* mengenakan kewajiban ke atas pemegang lesen supaya memberikan, atas permintaan pemunya atau penghuni mana-mana premis, bekalan gas ke premis itu.

18. *Fasal 15* memperuntukkan pengecualian-pengecualian kepada kewajiban pemegang lesen untuk membekalkan gas.

19. *Fasal 16* membolehkan pemegang lesen menghendaki pengguna-pengguna membayar apa-apa perbelanjaan yang semunasabahnya dilakukan dalam mengadakan talian paip atau pemasangan gas.

20. *Fasal 17* mengadakan peruntukan bagi pemegang lesen menghendaki cagaran daripada pengguna bagi kos-kos tertentu dalam mengadakan bekalan gas.

21. *Fasal 18* membenarkan perjanjian-perjanjian khas dibuat di antara pemegang lesen dengan pengguna mengenai pembekalan gas.

22. *Fasal 19* memperuntukkan bahawa caj yang dikehendaki ditanggung oleh pengguna bagi bekalan gas hendaklah ditentukan melalui meter yang sesuai yang diadakan oleh pemegang lesen.

23. *Fasal 20* membenarkan pemegang lesen menghentikan bekalan gas atau mengurangkan kuantiti gas yang dibekalkan dalam hal

keadaan tertentu. Fasal ini juga mengadakan peruntukan bagi liabiliti pemegang lesen.

24. *Fasal 21* mengadakan peruntukan bagi pemberhentian bekalan gas oleh pemegang lesen dalam hal-hal apabila kesalahan-kesalahan tertentu telah dilakukan oleh mana-mana pengguna.

25. *Fasal 22* memperuntukkan bahawa liabiliti sivil dan jenayah mana-mana pemegang lesen yang berbangkit daripada Akta tidaklah tersentuh kecuali sebagaimana yang diperuntukkan dalam *fasal 20*.

26. *Fasal 23* dan *24* bertujuan member! pemegang lesen kuasa memasuki mana-mana tanah selain daripada tanah Kerajaan bagi maksud-maksud meneliti atau mengukur tanah atau bagi membina apa-apa talian paip atau pemasangan bagi pengagihan gas.

27. *Fasal 25* member! pemegang lesen kuasa untuk memasuki mana-mana tanah untuk menyenggara, membaiki atau meningkatkan mana-mana talian paip atau pemasangan.

28. *Fasal 26* membuat peruntukan bagi mana-mana orang yang berhasrat untuk menggunakan tanahnya meminta pemegang lesen mengalihkan atau mengubah mana-mana talian paip atau pemasangan di tanahnya.

29. *Fasal 27* mengadakan peruntukan bagi pembuatan perjanjian izin-lalu di antara pemegang lesen dengan pemunya atau penghuni mana-mana tanah bagi maksud membina mana-mana talian paip atau pemasangan.

30. *Fasal 28* mengadakan peruntukan supaya pampasan, jika kena dibayar, ditaksirkan oleh Pentadbir Tanah Daerah.

BAHAGIAN VII

31. *Fasal 29* mengadakan peruntukan supaya apa-apa perselisihan pendapat berkenaan dengan apa-apa perkara mengenai pembekalan gas dirujuk kepada Ketua Pengarah atau suatu jawatankuasa siasatan. Peruntukan dibuat untuk membenarkan mana-mana orang yang terkilan dengan keputusan Ketua Pengarah atau jawatankuasa itu, mengikut mana-mana yang berkenaan, memohon kepada Menteri bagi pertimbangan semula perkara yang dipertikaikan itu.

BAHAGIAN VIII

32. *Fasal 30* memperkatakan kesalahan-kesalahan di bawah Akta dan penalti-penalti baginya.

33. *Fasal 31* mengadakan peruntukan bagi penalti am bagi kesalahan-kesalahan di bawah Akta atau peraturan-peraturan.

34. *Fasal 32* mengadakan peruntukan bagi kesalahan-kesalahan yang dilakukan oleh pertubuhan perbadanan atau oleh pengarah atau pegawai-pegawainya. Jika pertubuhan perbadanan itu disabitkan atas kesalahan itu tiap-tiap pengarah atau pegawai hendaklah disifatkan melakukan kesalahan melainkan jika dia membuktikan bahawa dia tidak mengetahui perkara itu atau telah mengambil langkah-langkah yang munasabah untuk mencegah pelakuan kesalahan itu.

35. *Fasal 33* adalah berhubungan dengan beban pembuktian dalam mana-mana pendakwaan bagi sesuatu kesalahan di bawah*fasal 30*.

36. *Fasal 34* memberi Ketua Pengarah kuasa untuk mengkompaun kesalahan-kesalahan tertentu yang ditetapkan.

BAHAGIAN IX

37. *Fasal 35* mengadakan peruntukan supaya kerja pada talian paip atau pemasangan dijalankan oleh orang kompeten.

38. *Fasal 36* menghendaki supaya apa-apa kemalangan atau kebakaran serius yang melibatkan apa-apa talian paip atau pemasangan dilaporkan kepada Pengarah dengan segera.

39. *Fasal 37* mengadakan peruntukan bagi perlindungan Ketua Pengarah, pegawai-pegawainya dan pegawai-pegawai diberikuasa lain daripada apa-apa tindakan mahkamah atau pendakwaan.

40. *Fasal 38* bertujuan memberikan kuasa-kuasa khas kepada Yang di-Pertuan Agong untuk memberikuasa Ketua Pengarah dalam hal darurat atau demi kepentingan keselamatan awam untuk menggantung lesen pemegang lesen dan mengambil milik buat sementara dan mengendalikan mana-mana talian paip atau pemasangan pemegang lesen itu. Ketua Pengarah boleh juga diberikuasa untuk menarik balik mana-mana talian paip atau pemasangan daripada dipakai oleh orang ramai.

BAHAGIAN X

41. Bahagian X adalah berhubungan dengan kuasa Menteri untuk membuat peraturan-peraturan.

BAHAGIAN XI

42. *Fasal 40* menyatakan peruntukan-peruntukan tertentu Akta yang tidak terpakai bagi kilang-kilang.

43. *Fasal 41* mengadakan peruntukan supaya peruntukan-peruntukan Akta ini mengatasi dalam hal keadaan apabila peruntukan-peruntukan itu tak konsisten dengan undang-undang lain.

44. *Fasal 42* adalah berhubungan dengan kuasa Menteri untuk mengecualikan mana-mana orang daripada dilesenkan di bawah seksyen 11 atau daripada kehendak-kehendak seksyen 35 Akta ini.

45. *Fasal 43* menyatakan peruntukan peralihan dan kecualian. Dalam masa enam bulan dari tarikh mula berkuatkuasanya Akta, mana-mana orang yang sebelumnya telah membekalkan gas melalui talian paip hendaklah memohon supaya diberi lesen atau dikecualikan daripadanya di bawah Akta.

IMPLIKASI KEWANGAN

Rang Undang-undang ini akan melibatkan Kerajaan dalam perbelanjaan wang tambahan, yang amaunnya tidak dapat ditentukan sekarang ini. [PN. (IF) 1699/IL]